

U PEHSYLLI  
KA  
SAINPYRTHEI

*Webster Davies Fyrisa*

Acc No 1108/1 MV.1  
Class No. 895.93. J 99. Peh  
Author Webster. D. Jyrwa  
Title U Pehsylli kasein  
pyrthei

Borrower's No.	Due Date	Borrower's No.	Due Date

Acc. No. 1108/1 MV.1  
**STATE CENTRAL LIBRARY**  
**GOVERNMENT OF MEGHALAYA**  
**S H I L L O N G**

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil; tearing or taking out its pages or otherwise damaging it will constitute an injury to a book.
4. Any such injury to a book is a serious offence; Unless a borrower points out the injury at the time of borrowing the book, he shall be required to replace the book or pay its price.

Help to keep the book fresh and clean

WEBSTER DAVIES JYRWA

U PEHSYLLI


KA SAINPYRTHEI

*1985*

LA PYNMIH DA U NONGTHOH



# U PEHSYLLI KA SAINPYRTHEI



*First Edition—1985*

**All Rights Reserved**

**1985**



## Shikyntien na u Nongthoh

Kane ka kot kam dei ka Purinam, parom ne puriskam bad kam don ki rong ban pynbang ne pynsgewtynnad. La thoh ia ka da kaba pynshongnongrim ha ka jingiakren u paid Khasi-khara kiba man ka sngi ha ki iew, ki ingiapbriew, ha lum ha wah bad kiba la pynmih nadan ruh ha ki kot khubor kiba la pynmih man la ka por. Kumta ngi lah ban ong ba ka kren ia ka pyrkhath pyrdaiñ u Khasi ha kane ka por kaba ki hadien habud kin tip. Ki kyrteng ki briew bad ki jaka ki long kiba shu buh bad kim long kiba shisha,

Ka kot kam thew kti iano iano hynrei la jingthmu u nongthoh ka long ban buh ki symboh pyrkhath khnang ba ngi kum ka Jaidbynaw—Ki Khun u Hynñiewtrep—ngin kyndit byariew had imsngei ban toi la ki rympei Khasi ha ka akor, ka jingtip briew bad ban kamai ia ka hok khnang ba ngi lah ban kyntiew pat ia la ka jaidbynaw sha ka kyrdap kaba ka la ju loh.

Nga pynpaw ka jingsngewburom la u Rangbah R. T. Rymbai uba la klooi ban ai ka Lamkhmat khyndiat ia kane ka kot ban pynpaw ia la ka jingsngew, khlem da pynlah shiliang eh ban ai tang la ki jingiaroh. Une u Rangbah u la long uwei na ki ophisar Khasi ha ki por ba dang synshar ki Doklich, uba la trefshitom bad thom ia ki raich raidam ha ri Khasi, baroh kawoi ha ki por kiba dum tam ha ka Histori ka ri Khasi, shuwa ba ngia loh la ka jingshal-ka

jingkylla ka jingsynshar ha ri India. Ha ka Histori ka ri Khasi, lehse, ym don ka por kaba shyrkhei tam kum ka jingiahhieh shongshit bad iapait arliang ha ka ri—ka FEDERATION bad ka FEDERATED—kaba baroh ki nongkyngdong ki iakren paidbah. Nga ruh nga la long u khynnah samla uba la iashah shitom lang kum u nongthoh sorkar, nongpynkylla Khasi-phareng bad u nongmiewkhlieh ha ki jingiajied paidbah. Ngi la lait bunsien na ki khnam bad ki tari jong ki nongkyndong kiba runar bad kiba shongshit palat. Ngi la shah suba teng teng ba ngi iashah liang. Ha kito ki por ngi hap iaid da ka kjat namar ym pat don surok kali bad ngi iaid man ka sngi na kawei ka jaka sha kawei pat bad sah ha ki trep kum ki Riphuji. Ngi baroh arngut ngi la lohi lut ia ki jingeh jingshitom, jingkordit bad jingduk jong ki briew la jong ha kylleng ka ri bad lehse ym don kiba iohlad kum mangi ban ngam ta ki kyndong tam ka ri Khasi baroh kawei.

**Webster Davies Jyrwa**

Retd. Station Director

(Selection Grade) All India Radio.

Member Plan Project Committee  
of the National Academy of Art,  
**DELHI.**

Vice-President, Khasi Author's  
Society.

**Dated Jalaw Langsning, }  
The 27th December 1985 }**



## **Shi Kyntien, Ar Kyntien ia Kane Ka Kot**

Kane ka kot ka kham pher na ki kot Khasi ba ia mih ha ka Ri Khasi-Pnar ha kine ki shispah sanphew snem naduh ba wanrah ki mlshonari la ka thoh ka pule ha ka. U nong-thoh u iathuh ha ka dur ka khana-thaw-hi la ki jingjia ba la urlong ha ka jaitbynriew jongngi ha kine ki lai Phewphra snem naduh ba laitluid na ka synshar ki Phareng bad khamtam, ha kine ki khatsan snem naduh ba la ioh la ka jong ka State, Meghalaya. La long kumba laitlan ban lehmon bad la iohlad bad lehkput. Namar ki jingjia ki long ba u lum na kaba u iohi, iohsngew ne bna shi tyillup ka Ri. Kiba bun ki long kiba pynbuhkboh bad pynsngew khlemrañ namar ki pynhiardor ia ka jaitbynriew ha ka pyrtbei, la ñuma, kumba iohi la ki kjat sngi ba sam lyngba ia ki lyoh, ki don hi kiba pynphyrnai ia ka sap ka kian nylla ba kordor jongka kiba al jingkyrmen bad pynshngañ.

Kiba kynrei hi ki long kum ki khñiang jingpang ba bampong ia ka jaitbynriew. I kumba nangshaniah ia ki lehmyneh, nangiabud ia ki kylla ktlen, nanglakyntiew ia ki arsap bad nangia-ai khyndew ia ki ñuit ban santer ban tap ia ki phlang jyrngam. Byllai kiba iashad kum ki dohkha ha ka um khariew khlem patlaw ba shen kin ngat ha ka jar, kin shah tong ne shu iap ngam. U babun balang pat u shu sngap la ka sngap, long noh kumba sngap mynthi.

**Matno na kine ki khana ba la pynkup dur jingshisha ki long kiba shisha, ki long kiba lam-i-shisha ne paw-i-shisha ne lah ban long kiba shisha, u nongthoh u pashat ha ki nongpule ban blshar bad larai hl. Namar u pynwandur ia ki na kiel klei baroh kiba maphi bad manga ki nongpule ngi iohi, lohngew bad bna kumjuh ha la ki jingshem jingshem.**

**Ngam lahap jingmut bad baroh kiba u nongthoh u kdew kti ne kynthoh. Hynrei nga ia kubur lem ia bun kiba u kynthah bad kynnoh. Nga ia mynjur ruh bad kito kiba u kren bna bad laroh, Kine baroh ki long lyngba ki kyntien jong ki briew ha ka kot kiba u pynkup ka snap paka longbrlew na ka jingim jong kiba bun ki briew ba u ia kynduh harum haneng. Ki iakhleh lang baroh: kiba tipduk tipsuk, kiba buard tanglang; kiba laipyrshang ban longbrlew manbriew, kiba lanap tang ia ka lohei bad ka khmied sha kiwei, kiba tyngkai ia ka ktien ka thylliej, kiba nangang bad lornl tang ia kiwei; kiba ieng ha la ki jong ki kjat bad im da la ka umsyep, kiba apja sah na kiwei bad ka bymhun suda; kiba kloï ban larap, kiba khwan tang shalade. Kumta ba man la ki khap, kine ar ar ki ia tyngkhuu. Tangba ka tarajur i kumba ka theh shiliang sha ka liang ki bym nlewkor ia ka akor bad jinglong ba kordor ka jaidbynriew lajong, kiba iuhroit ia ka burom bad ijot jongka da ki kam bad ki ktien jongki.**

Ngim lohi kumjuh ia kajuh ba ngi kumih,  
ngim sngewthuh kumjuh ia kajuh ba ngi loh-  
sngew, ngim shahshkor kumjuh ia kajuh ba ngi  
sngap, ngim iabatai kumjuh ia kajuh ba ngi  
sngewdei. Hynrei baroh ngi kwah kumjuh ia  
kajuh kaba bha bad myntoi la ka Ri bad ka  
jaitbynriew la jong, ba kan nangklew ha ka bor,  
ka buit bad ka burom ; ba kan nangkhraw ha  
ka loh ka kot, ha ka nang ka tip ; ba kan  
nangtur shaphrang, ba kan nang paw pyrthei.

Te kumta nga kyntu ia ki khun ka Ri ban  
ia pule puson ia kane ka kot ba kan kynto ia  
ki ban ialeh ha la i jong i jong i jinglah ban  
iald lalade ha ka lynti badel, ban lalam ruh ia  
kiwel khnang ba ki nongmihkhmat ba kitkhia  
kum u Jowel ha kane ka kot kin dup lah ban  
kit hok la ka kam bad ban pyndep la ka jing-  
thmu babha.

Ocklans, Shillong  
24.12.1985

R. T. Rymbai I.A.S. (Rtd)  
*President*  
Khasi Author's Society.



## LYNNONG I

Hadien ka jinglashong Durbar kaba neh haduh laisngi ban iakren iapynbeit ia ki kam ki jam bad ka jingpynkhlaiñ ia ka Seng, ryngkat ki nongmihkhamat na kiwei-kiwei ki Constituensi, u Jowel u la shongpyrkhat marwei ha la ka jong ka kamra jong ka ing ba u shongwai. U la kut jingmut ba um dei ban pynlut por ha Sor ban iakren ia ki kam ka Seng katba ki kam kiba bun kiba u dei ban leh ha ka Constituensi jong u kin shu sah teng.

U Jowel u la jop na ka Constituensi ki jaka ba hap hapoh ka hima Mariaw bad Nongstoiñ. Hadien ba u la jop, la rah beit ia u sha shnong da ki nongiakyrshan tyngeh ia u bad u la sah ha shnong tang arsngr. U la hap wan biang sha Shillong kyrkieh ban iapynbeit ia ki kam kiba iadei bad ka Seng.

Kaci kaba pynkhih jingmut ia u Jowel ban rung ha ka kam Saiñ pyrtbei ka long ha ka jingkwah jong u hi ban iarap ia la ki para nongkyndong bad ban pyllait ia ki na ka jingduk, ka jingbieit bad ka jingpang. Kine lai kiba u Jowel u fohi, haba u dang don ha la shnong bad kiba bat ia ka jingmut jingpyrkhat jong u. Ka jingdon jong u ha Sor ban pyndep ia ki jingpule ba kham halor bad ka jingsuk, jingitynnad ka Sor kim lah ban pynklet ne salt noh ia kitei ki jingpyrkhat babha jong u ban shakri ia la ki para briew, khamtam, ha nongkyndong.

U tang shu pyndep ia ka j'napule, u la rung kam Sorkar da ka jingpyrkhat na un kham ion ka jingnang jingtip ia ki rukom trei kam ban er-bapher bad ban ioh jingtip khambha kumno u lah ban iarap ia la ki para nongkyndong ba ki jingtrei jongu kiba bun. Wat la u trei kam Sorkar ruh um ju pep ban pol sha shnong ha ki por shuti ban ioh iakren ia ki kam shnong kam thaw bad ki parashnong. U long uba jai-jai ki jing mut jingpyrkhat bad uba sngewrit. Haba iakren bad kiba kham san kham shuwa, um ju iaai k'ten hynrei u pyni ia ki jingmut jingpyrkhat jong u da ka akor khlem pynwit, pynthut ne pynmong ia kiwei. Ki khynnah samla ki iaboi ha ing jong u haba u don ha shnong ban sngap ia ki klubor ba u don baa iithuh bad u pyni katba u ioh jingtip na ki jingthoh babun ia ki lad ki lynti ba ki samla ki dei ban kitkhieh ha la shnong bad ban pyndonkam ia la ki jingtbir wat ha ki jingialehka kum ki Drama, ki jingiaput-iatem, ki jingiarwai bad ki jingialehka la madan, kum ka Phutball bad k'wei kiwei.

Ynda u la rangbah bha ki jingmut jingpyrkhat, u la sdang ban iapyniadei paralok bad ki rangbah saiñ pyrtnei bad iaphylliew jingmut bad ki ba un ioh pyndep la ka jingthmu kaba la shongskhem bha ha u. U ju bang ban pule ia ki kot kiba thoh shaphang ki rukom pyniaid saiñ pyrtnei bad ia ka jingiasaid ha ki Durbar Thaw-aiñ.

Ka kmle jong u ka ju thoh shithi barabor sha u ba ka kwah ia u ba un leit pynbit ha ka

laiñ Doktor namar ka ong ba dei kane ka kam kaba un kham ioh kham kot bad ba tang hapoh katto katne snem u lah ban shna la ka ing bad ban ñiah sa ka kali lajong bad ba u lah ban ioh ia kano-kano kaba u kwah, nalar ba ka dei ka kam kaba don burom bad ba lah ban iarap ia ki bapang bashitom ki para mynsiem.

Ka kmie u Jowel ka trei kum ka Nos la bun bun snem bad hadien ba ka la trei khadsan snem ha la ka ri, ka la dei ban leit trei noh sba ri nongwei ban kham bit bad kumta kam don jing-eh ei-ei ban pynsan-pynrangbah ia u khun jong ka, u Jowel bad ban ai ia u ka jingnang-ka jingstad kaba bha tam. Ka angnud ba u khun jong ka un long u briew uba bat ia ki kam hadon kyrdan ba donburom ba ki briew baroh kin burom ia u. Ka ka la iohi ia ki Doktor kumno ki ioh ka burom bad ka spah. Kumta ka da kwah eh ba u khun jong ka, u Jowel ruh un long kum ma ki.

U Kpa u Jowel u la iap noh haba u Jowel u dang khynnah. Haba u dang im, u ju kwah ba u khun jongu un trei kam Engineer ynda u la san la rangbah namar u iohi ia ka jingkhelaiñ u khynnah ia ka jingkheim bad u pyrkhat ba dei ka kam Engineer kaba bha eh ba un bit un hiang bad ba un ioh pahuh pahai hadien habud. U iohi ia ki Engineer ha ki office PWD bad PHE ba ki pahuh pahai bad ki im khlem don jingklusai.

U Kñi jong u Jowel pat u dei u Ara uba im tang sha khlaw bad u kwah ia u Jowel ba un leit pule ha ka skul rep bad ba ynda u la dep, un loh long Bidi-O. Lada u trei kum u Bid-O tang khyndiat snem ula longbriew bad loh ban pyndeng ksiar deng rupa ia la ka lok ba u leit bad buh ia ki khun ha ki skul Phareng bad phah on phah shaw ia ki da ka kali. Kane ka jingai jingmut jong u ka long ka jingpyrkhat jong kiba babun ha nongkyndong ba u Bidi-O u long u Sahep Sorkar uba heh duh namar u bat ia ka bor bad pla pisa ha ki nongkyndong. Lada kwah pisa rep ruh hap leit sha u, lada kwah symbai jhur, ka sboh, u sainar, ki syiar, ki sniang bad kiwei-kiwei ki jingri baroh hap leit sha u, Ki khynnah samla kiba kwah ia ki tiar tem-tiar put na ka bynta 'ki sengsamla jongki bad kiwei pat ki tiar ialehkai ki leit sha u. Lada ki lah lei-lei ban pyniadei bad u, ki loh bun ki jingiarap na u.

U Jowel u la pyrkhat sani bha ia kitei ki jingai jingmut baroh hynrei u don la ki jong ki jingthmu. Um kwah bor kwah burom ne kwah spah, kwah ing paki dulan ne kwah kali jem. U kwah ban shakri bad ban iarap ia la ki para nongkyndong ba kin lait na ka jingduk, jing-pang bad na ka jingsah-dum. Ki jingpyrkhat u Jowel kim da pher eh na kiba bun kiba rung sha ka kam sañ pyrthel ha kaba sdang, hynrei bun na ki ki klet noh ia kiwei bad ki kynmaw tang lalade, ynda ki la lohbat ia ka kam, kham-tam ynda la loh shong bangla bad kali jem.



Kat shaba ki leit ynda synran da ki pulit, kumba leh ki doblieh ha ka por ba kl bat ia ka bor synshar, namar ki tieng ia ki trai shnong dohiong. Toi, ynda la synshar ki dohiong ia kl para dohiong, balei ynda donkam pynbud pulit lada ym dei ba tieng na ka daw la jong hi.

---

## LYNNONG 2

U Jowel, naduh u dang shongskul u long u samla uba peitgor bha ia kiei-kiei sawdong ia u bad uba don ka sap aiu re ban tip ia kiei-kiei kiba bun na ki khynnah samla, kim tip. Kane ka jingtip jongu ka ktik ia u man ki por ba u dei ban kren ne leh ei ei ban iarap ia la ki parabriew bad ia ka jaidbynriew. Um ju tieng ne lehraiñ ban pynpaw ia ka jingpyrshah jongu ia ka jingbamsap, ka jingban beiñ bad ia kiwei ki jingsniew kiba jyllei ha ka jylla.

Kiba bat eh ia ka jingmut jingpyrkhat jong u ki long kine:—

1. Ka jingpynduh ia ki jaka kiba itynnad ha khapsor bad ka jingpynshong shipai ha ki jaka kiba dei ban shong ki trai shnong ban rep ban riang ne ri jingri ne pyndonkam ia kl na ka bynta ka jingblt kl khun ka ri.

2. Ka jingpynduh ia ki khlaw ki btap bad ka jingpom pathar ia kl siej da kl shipai.

3. Ka jingpyniap kput bad pynduh jait ia ki sim ki doh, ki mrad khlaw bad ki dohkha.

4. Ka jingjyllei ki khyllah jaid bad ka jing nangwan klew ki khar bang na shiliang pud bad kiwei pat ki riwulum kumjuh na ki jylla ki ba pher kiba marjan.

5. Ka jingai jaka ia ki nongkhaii nongwei ha lewduh bad ka jingpynduh lad in ki Khasi—ki kup shiliang, sem shiliang bad ia ki kyndoi jakpoh ha lew.

6. Ka jinghiardor ki samla Khasi.

U Jowel u lyngngoh kumno ba u Lum Shyllong bad ki jaka markhap kiba ki Longshuwa jong ngi ki khot ki jaka shong ki Blei ha ka jingkhuid, jing jar-jar bad jingtynnad, mynta pat la sheh ban shong da ki khar shipai, kiba kam kum ka jaka lajong bad lada kwah ban leit ban wau kai pynggad, kumba ju ialeh mynshuwa ruh ym loh shuh. Donkam, hana, ban da pan jingbit na u shipai. U trai ri u hap pyrit ha u khar shipai—nongwei shisngi. Nangta ki ing Polo kiba itynnad ba la ker pyllun bad ba la thung ki syntiew kiba itynnad bha ha kapor ba dang don ka jing-lapynmareh ki kulai, la ai shong ia ki pulit nongwei bad larat lut ia ki jingker baroh sawdong ba la ker itynnad. Ka madan Rangmen, ka jaka kaba itynnad bha bad ba lah ban thung dieng, thung soh ne ri jingri,

mynta la sdang shong ki shipai. Ka Laimer, ka jaka badap da ki diengkseh kiba Itynnad bad ba ai jingkoit jingkhiah da ka jingkhuid ka lyer, khamtam na ka bynta kito kiba don jingpaug kiba eh, la shong ki shipai bad ki traishnong pat ki hap laiaid khyrwiang jugai-jugai narud ki jaka ba shong u shipai ban leit sha la ki ing. Wat ki jaka khap lewdub ba lah ban pyrleng kali bad kham pynltynnad pynkylluid ia ka Sor ruh ki la dei noh ki jaka shong shipai. Ka madan ialehkai, ka kyrkit Laban ruh la knieh noh na ki traishnong ban pyndonkam ki shipai. Ki bapli ki nong Laban shano kin ioh madan shuh bad dei ra kane ba ka hiar ka kyrdan ka Laban ha ki jingialehkai phutbol.

U Jowel u pangnud ban iohi ia ka jingpyaduh ia ki khlaw da ka jing pynngat pathar ia ki dieng kiba ki kpa tymmen jongngi ki la lah ban sumar da ki pateng bynriew bad ia ki siej kumjuh. Wat la ha kine ki snem la don ka jingthungdieng da ki bor Sorkar jylla ban pynjyrngam pat sa shisien la ki lum ba la sah synglen kiba ha rud lynti hynrei ki diengbah diengsan ki laid sor-sor ynda ki la kylla Sawdong ne lymbong lyngtang sha ri dkhar. Wat mynta ruh U Jowel u iohi ba ki dieng ki dang leit hi da ki spah k li sha ri Dkhar. Ki khlaw barben ka hima Nongkhlaw, Jirang bad kiwei-kiwei ki la jan duh. Ym don 'law kyntang, ym don 'law ksuid ne 'law adong shuh mynta. U shipai pat

katno u pom pynjot ia ki siej na ri Bhoi bad u kit da ki kali shipai katbamon haba u donkam siej.

U Jowel u iohi ruh ia ka jingpyniap kput ia ki skei, ki sier ki bthong, ki khlad bad ia ki syiar khlaw, ki sim ki doh da ki nong-shongshnong kiba iabeh mrad ne siat syiar siat sier bareh shisnem khlem khein wat ia ki por kha por pun bad por ri khun ki sim ki mrad. Nangta pat sa ka jingbom dohkha da ki dainamait ba ka Sorkar ka ai ban shna surok bad da ki dawai kiba aibih ia ki dohkha. U Jowel u tip ba la don ki Seng kiba ialeh ban khang ia ka jingbom bad jing pynduh ia ki dohkha, hynrei haba ki bor sorkar kim iarap, ym lah leh ei-ei. Ki briew kwah rhah ki shna syndon da ki Sem pynrung dohkha ne khang pynap da ki jar ha pung Umiam bad shohshun, tutia bad khariew katba mon ia ki wah.

Kum u samla, u Jowel u la fashimbynta ha ka jing ialeh ban beh ia ki nongwei bar ri kiba la jyllei ha Shillong hynrei katba nang beh u i kumba nang bun pynban. U mih na Jaiaw bad Mawkhar ne Mawlai bad u shong pynheh ha Police Bazar, Pynthor, Umpling bad Laitum-khrah. U ioh ki jaka kiba bha eh bad ba shah khmat ha Iewduh bad khyndallad.

Ka Iewduh kaba la seng ki Syiem Khasi kiba don ki jingmut jingpyrkhat kiba khraw

bad ba jylllew ban pyniar ia ka jingiadie lathled ki para jait—ki kup shilliang ki sem shilliang hynrei ki Rangbah Khasi kiba pynlaid ia ka Iewdub, khlem salia, ki la shah syndon ia u khyllah jaid ym tang ba un die dukan hynrei ba un shong syndon hapoh lew ha ki armala ki laimala. U bapli u khasi shano un ioh jaka ha Iew? Shano shuh ka kñia ne shad Iewduh? U khyllah jaid u jam nador ki jaka die madan ki trai shong ban rung sba ki dukan la jong bad u theh da ka um jakhlia nador.

Nador kine baroh u Jowel u iohi sa ia ka jinghiardor ki samla khasi kiba im sa ka dih ka buaid. Haba ki leit HAI KING ki ia laid pynkhapngiah surok haduh wat ki kali kim ioh laid shuh. Ki khynuah kynthei ki ia bud lang bad pyntad dor ia la ka jong ka jaidbynriew.

Haba u pyrkhath pat shaphang ka jingitynnad ka Sor Shillong mynshuwa, kaba la nam wat u nong sepngi ruh kum ka Syiem ki jaka ri lum, u Jowel u pangnud ban iohi ba mynta la pynduh ia ka jingitynnad da ka jingbym suid-niew ki nong synshar—ne nongpynlaid kam. La nang pynkhapngiah bad pynisih syndon ia ka khyndai lad, motphran, da kaba shah ban tel ki ing dukan ne ban shna syndon da ka jingkieng ha Motphran kum ka platphom Railway ban kah nob la ka jingitynnad jingipyngngad u Motphran haba ka jingkieng kam ai jingmyntoi ei-ei

lait tang ka nam ba ki ong ka Foreign Market. U kynmaw ia ka jingitynnad ka Golf nk, ka Pologround had ki jaka ia mareh kulai. Ka Suna pani kaba long ka jaka kaba ki trai shnong bad ki nongwei ki bang eh ban leit kai ne ban bam ki lyer phuiwah kiba pyngad—ym don ba peit shuh bad ym don ba pyrkhbat kumno ban pynbha pynitynnad biang ia ki. Ka jingitynnad ka Sor ka shu neh sa tang khyndiat hangne hangtai ia kaba u phareng uba long u nongwei u la pyn.tynnad iaka, katbangi ki trai shnong ngl kwah ba ka jingitynnad kan duh noh. Hato u Khasi un pyrkhbat ia kane? Wat ka jingkieng Mawlai kaba long ka Gateway jong ka Shilong ruh ka sah kumjuh shirta. U Jowel u pyrkhbat ba lada lapyrkhbat rangbah balei ym lah ban shna da ka Over Bridge kaba jrong bad kaba iar ka ban khun kum ka ryatieb bad ban shna ki jaka ia id briew baroh arliang, hadien ba la ker itynnad. Nangta kumno lada thung sa da ki Mawbyinna kiba jrong ha khmat ka jingkieng ban pyni ia ka Culture u Khasi ha u baleit bawan. U pyrkhbat ruh balei ba ym lah ban shna noh da ka Iew thymmai ia u khyllah ja id shawei bad pynkynriah noh ia u na Iewduh khnang ba ka Iewduh kau long kyrpang ka jong u Khasi, kumba la pynkyn-tang ki Syiem longkme bad ban im ki kup shiliang ki sem shiliang.

Kumjuh ruh balei ba ia ka jingkieng Over-bridge ha Motphran ym lah ban shna noh da ka kongkrit naduh Mawkhar haduh ka jaka leng Bus Jowai—kaba iar bakylluid ba lah ban ia id

ki kall kiba rlt bad ki jaka laid briew baroh arliang.

U Jowel u la kut jingmut ba wat la ka kam jong u kan kham bun sha nongkyndong ban iarap la ki briew ha ka Konstitnensi jong u, un pyrshang, haba u iohlad ban iatrei lang bad ki paranongmihkhmat kiba ha ki Konstituensi ha sor ban ia kren ia kitei ki kam kiba donkam eh khnang ba ka sor Shillong bad ka jaïd bynriew kan loh pat ia ka burom ba la jah.

U Jowel u sngewtynnad ban iohsngew ia ka jingthmu ka sorkar ban shna ia ki jaka shong kai—iaïdkai ban wan rah ia ki briew nabar ri ban wan jngoh shipor ia ka ri jongngi bad ban pynioh ka jingmyntoi ia ka jylla hynrei u sheptieng loh kane kan wanrah pynban ia ki jingsniew bad pynjot ia ka longbriew manbriew ki samla ka ri. U pyrkhat ba ka ri Khasi ka la itynnad lypa bad dei tang ban pyasah pynneh bad ban nym pynduh ia kaba ladon lypa.

---

### LYNNONG 3

Dang step, u Jowel u la mih na ing ban leit kai sha kawei ka shnong rit, ka Phodjaraiñ kaba don kumba shikyntien kwai ei-ei na ka shnong jong u. U la leit rung ha kawei ka ing kaba ha khmat eh, kham pajih khyndlat na ka

jaka laid paldbah. U la iohi ia uwei u tymmen ba u ialeh ban kyrshan ia kawei ka dong jong ka tnum kaba i kumba kan hap noh.

“Phi leh aiu parad ?” U la kylli.

“Mano ? Nga mut ban kyrshan ia kane ka tnum phi.” U jubab u tymmen.

“Wa ! ka left long mo kumto ? Kane te la donkam da ki dieng sawdong ne diengtylli keiñ. Phin hap pynpra bad lied ia ka tnum khyndiat.”

“Ka dei hep kaba phi ong, hynrei lada ktah khyndiat te ka ing baroh kawei ka la khih bad la hap pyrkhat ban kyrshan na baroh ki dong.”

U tymmen u sangeh “Te phi i el kumto ?” u kylli.

“Wa ! parad—nga u Jowel keiñ—u khuu i kong Phermon. Ia i Pa te tharai phi ithuh—I Bah Son Manik, tangba i la khlad noh la khamslem.”

“Wa ! pleng, ka sur bajem jong phi, hep, ka pynkynmaw ia nga ia i kpa jongphi, u paralok ba ia ithuh bha ha ki por dang ia samla.”

“Te balei phim don ki diengtylli ne dieng-sawdong ei-ei mo Parad ?”

“Nael yn ioh phi, hep ? phi iohi hi i jaka jongnga iba rit. Tang katne hi-lne i trep bad i kper jhur khyndiat ban shu iatrud ban nym thylli ka kpoh.”

Wan mih i meirad na shyngkup bad ki jaiñ kiba lajot bad jalag. I kyrshan da u diengduh ban jam bad i kiuh i ud artat.



"Mano ita ?"

"Manga meirad, u Jowel."

"Te phi wan leh alu shane, hep ?" (I ud artat).

"Nga shu iaid kai phi meirad ban peit la ka shnong ka thaw kum u nongmihkhmat ba phi la lajied ha kane ka Elekshon. (U sangeh) "Balei phi pang ne meirad ?"

"Naduh ba nga ur ha kper, ngam lah iaid lah ieng shuh. Nga shu par tang ha ing te khun."

"Balei phim la ia don la ki khun ki kti meirad ?"

"Ngi don tang u ksiew uba dangrit-u ba pli u khunswet u leit khar prew bad thynram dieng ban lathang." la jubab u tymmen, bad u sdang han lathuh shaphang la ka ing.

"Phi i hep, nga don u khun uba nga la pynsam pynrangbah bad nga la mang bad kyrmen ba un sa long ka jinglarap ia ngi ynda ngi la ianoh ka rta hynrei pynban u la pynjynjar sat ia ka ing ka sem."

"Te u don shano mynta ?"

"U langop ha ka bam ka dih, u la die lut ia ki masi, ki blang bad u lakhalai. Ha kawei ka sngi lew u la shah pyniap. Imat u la iapan hi."

U tymmen um lait kren shuh bad u shu kyn-suk sah. Ka tymmen ruh ka rung noh sha ing.

U Jowel u la sngewsih ba u la pynkynmaw biang ia ka jingjia kaba kthang kum kata bad u la pyrshang ban pyntngen ia u tymmen bapli. Sa shiphang u tymmen u sdang ban iathuh shuh-shuh.

“Hadien kane te hep, ym judon ba rung ba mih shuh bad ngi iasah tang baroh laingut khroi. Ka jingduk-jingkyrduh ruh ka nang ban. Ka lok jongu, hadien shibnai ba um don shuh bad haba ym don ei-ei shuh sa tang ine i trep bad ine i jaka repjhur, ka la phet sha Sor bad iehnoh ia la u khun rit. Ym tip shuh shano ka don.”

“Te, phi iaim kumno parad?”

“Hep, kyarad, la shu iatrud jubor ia kane ka khyndew bad ladie noh ia i khlaw iba ngi don. Ngii ri noh da ki sniang bad ki syiar.”

“Te ngam fohi syiar ne sniang ei-ei du parad hangne?”

“Phi i hep, badien ba ka tymmen kam lah iarap shuh ban leit wad jhur ban bsa sniang bad ym lah iapeit shuh ia ki syiar, lahap iadie noh ia kine ruh suki-suki. Mynta manga bad u ksiew shu ia minat ia ine i kper katlah ei.”

U Jowel u la sngewsynei palat ia kine ki tymmen bad u lohi ba lada ym kyrshan klof ia ine i trep, in sa ngat bad ki lah ban ia mynsaw lada dei mynmiet myniong.

"Parad," u ong, "Lashai ngan sa phah ki ki dieng bad ngan sa pynwad ki nongtrei. Lehse ki samla nangne na shnong ruh ki lah ban wan iarap."

"Khublei hep, U Blei un kyrkhu iaphi. Kine ki siej na kper phi lah ban phah pom katba donkam bad u traw na khap kper uba nga shait sop ia ine i trep," ong u tymmen.

U Jowel u khublei ia u tymmen bad u phai ban leit noh hynrei ka jingsngewlem jong u ia ki ka la pynlong ia ki kjat jongu ban ym ai kam. U phai sha u tymmen—

"Parad, heh kine sanphew tyngka ba phin iathied khaw bad jingbam katba phi dang ia bunkam ban iakyrshan ia ine i trep."

"Khublei, hep. Toi ngam ju mlien ban shim pisa nangno-nangno, wat la ngi duk ruh. Hynrei haba nga ichi ia ka dur ba i sngur bad ka mynsiem ba khalur jong phi, ngam banse ban pdiang ia ki jinglehsbun lehisynai jong phi. To, hep, nang iaid shaphrang. U Blei un don ryngkat bad Un kyrkhu ia phi. Pleng dang don ki brlew kiba hok kiba pyrkhat lem ia ki para briew ha kane ka pyrthei jynjar ba tang shipor."

## LYNNONG 4

Katba u nangiaid ha lynti, u Jowel u pyrkhat sngewlem ia ka jingjynjar ha kane ka pyrkhei sngi bad ki ktien u tymmen ki ban khia ha ki jingpyrkhat jong u.

U Jowel u leit rung pat ha ka ing u Bah Riket kaba don ka phyllaw kaba beh. Shuwa ba un poi ha shyngkup u iohsngew ia ka jing-sawa ka tyngam kaba jur hapoh ing. U ieng shiphang bad u pyrkhat ban kylla dien noh hynrei hamar kata ka por i wan mih i lok u Bah Riket na kyrpong iba dangwan imat na kper bad ka khoh bad i ong ia u ban rung ha ing.

U Jowel u rung bad kata ka tyngam kaba jur ka jah kynsan jar.

"Are u Bah Jo ! Phi phohsniew ne ba beh ka lyer aiu ba phi poi shane ?" kylli kynsan u n Bah Riket.

"Em phi" ong u Jowel, "Nga da wan kai khnang keiñ. Ban da beh ka lyer te phi, u phlang um la dem mo shuwa ba ngan poi ?"

"Ew, kn nia bad phi te mo Bah Jowel."

"Nga iohsngew phim don ha shnong. Myn-no phi wan ?" kylli u Bah Riket.

"Nga dang wan ha ka lah iewrit."

“Sngewlehraĩn phi Bah Jowel ba phi wan lap ha ka por ka bym dei kum kane.”

“Balei ko, lada ym beh sa ka tyngam u kpa te phi tharai ka ing ka shong shngaiĩ hi ? Toi, nga rub nga la mut ban phai dien noh shuwa ioh nga pynwit la ka jingiakren shi ing jongphi, tang ba lap noh i kong bad ym banse ban rung.”

“Phim beh tyngam kumno phi bah Jowel ? Peit seh katne ka kam—u Para u la wan , kit dieng dang phyrngap bad u la pun um sha pynthor—une pat u khreh ban leit khwai doh pynban. Baroh kine ar lai sugi u ud ñiun.”

“To phi, bah Riket, ka bhã hi keĩn lada iohpor ba un leit pynpangad ialade u bapli ban ioh ’erlum ’erwah, ban jah ka pang khlieh pang reng.”

“Em phi, um iohi ba ka bapli ka Kmie ka hap leit kit eit baroh shi step, sa ka shet ka tiew -ka sait ka khlieng ? Kia leit khwai aiu phi man ka taiew. I mat u la ngat puri phi.”

“U khun rangbah seh ?”

“Hooiid keĩn, u Rimet—u la samla te phi.”

“Khot seh, shano u don ? U bapli u la sdang samlate ban mai eh ia u rub un sngew lehraĩn phi.”

"Shano shuh phin i, tang shu rung ma-phl, bak u la suh. U la deptsong lypa ka ja shi dopwai bad ki tiar khwai. U ryngwiang u la buh lupa ha shaklar ing. U mut imat un sahmiat sha wah."

"Te balei u leh sa leh kumta ? Lehse u don jingthmu ei-ei ? Phi i ha ine i rta te u khynnah u don jingthmu ei ei. Ka dei ka por ki jingbyrshem ki lynti."

"U kwah leit Laban eh. Imat u iakyn-duh ki paralok ha iew bad u ong ba u kwah leit trei peon ha ki Office bar' ioh leit khwai katba mon bad ynda kut bnai leit shim tulop beit—heh sa ka bam ka dih."

"U la pule aiu, ko ?"

"U leit skul phadar bad u dang leit ia kaba phra. Nga ong ia u ba ngam lah bor shuh, ieh ngin la pynheh noh ia ka rep ka riang, ka ri blang ri sylar, ri sniang."

"Phi la al jingmut ia u kaba bha shisha. Ka kam shakri te, jaid ngi kiba la mad, ka long bi ka kam shakri. Im ruh ym im, iap ruh ym iap. Ban da bun sa ki khun ki kti lei lei...te"

"Hooïd keiñ Bah Jo. Nga la ong ia u ba un da ioh sa i lok thel bhabriew kijik-kjik ha Laban te saba in sam khmut kum ia uto u 'si bordi. Ha shnong la jong pat ka long ka

nongiarap ha rug—ha lum bad ka nang ban burom ban pynbiang ia u. Nga la lohí te—ym ba nga shu kren.”

“Phi ruh uba la nang pyrkhat phi Bah Riket. Nga ruh nga la lohí da la kí jong kí khmat ia kí katto-katne kí shynrang jongngi kiba la hap ha kane ka apot sepsngi.”

“Phi tharai, Bah Jowel, un dang ia loh leit khwai shuh, ne loh hap ri khun pynban. Nangta sa ka sait jaiñ khun katba í nang leit khwai pynban í tnga bhabriew?”

“Tharai lada pyníoh noh ia u da ka kam hikai shane shajan te un dang loh ban pynmyntoi shuh-shuh na ka rep ka riang mo?”, ong u Bah Jowel. “Sa phah keiñ ia u sha ing mo Bah Riket. Ieh ngan iakren bad u bad ngin ia thaw lad keiñ. Hynrei te phi, lada bakla te u la shu jot ei, khamtam ynda u ia kynduh kí paralok kiba nang ban pynshit bad ia im tang ha ka bam ka dib, ka khwai doh wah doh lum. Nangta shuh-shuh sa ka thoh tím bad shah shet ha u sanphewhynñiew.”

“To Bah Jowel, ngan sa phah ia u sha ing jongphi. Phin leit lano pat sha Shillong?”

“Ngan dang sah hí ha shnong. Ynda long Durbar te nga la kiew. To Bah Riket ngan leit shuwa. Kong, to ho.”

“To Bah, sa ia pyní lem keiñ ia u Rimet, ngi ngeit un kohnguh iaphi, namar iangi kí kmle kí kpa bym shym loh leit skul te kí khun kí kheñ iangi kí bieit,” ban ktien sa ka lok u Riket.

## LYNNONG 5

Dangstep ha ka sngi saitjaiñ, u Jowel u la khyllad ia ki tnad u dieng sohphoh kiba i khab kah eh bad kah dum ia ka jingkhang it shaphang Sepngi bad u la thait hi ian. U shong pyngngad ha phyllaw. Ynda u lalah bamja, u mih na ing ban leit rungkai sha ki ing ki briew hapoh la ka Konstitwensi. Ka bneng ka itynnad bad shitsngi tang ba u don u 'lap boiksi bad ki khynnah ki ia risa "Shong kurim u khla bad u myrsiang — shong kurim u khla bad u myrsiang." U Jowel la sngew sammut bad sngewtynnad ia kane ka jingiarisa ki khynnah nongkyndong katba ha sor pat kine ki rukom laphawar ba la buh ki riewtymmen kim don shuh.

Hamar ba u poi ha arlad bad u mut ban jam sha kawei ka lad ka ban leit sha ka shnong kaba u throu ban leit, u mih kynsan u mlaw long bad u iaid pakhang lynti. U Jowel u iaid noh sha kawei pat ka lad namar ki tymmen ki ju ong ba ym ju bit ban iaid haba khanglynti u mrad long ne u bseiñ loh lap ka mynsaw mynsian ne kano kano ka jingjia kaba sniew.

U Jowel u la lohi ia ki briew ba ki ia khreh ban pynpoi um sha ki pynthor jongki bad ki iatih pyniar la ki hali. U la diaw ban lohi ia ki khlaw ba la pom pynjot bad ia ki lum kiba la sah synglen. Ki jaka kiba dap da ki 'larkhlaw bad ki sim ki la kynjah. U



la kiew ia u thlep uba kham jrong bad poi sha ka shnong Mawjakor kaba dap da ki mawlong mawteh suda. U la sangeh ha khamat ing jong uwei u tymmen uba ju ithuh bha haba u dang don ha la shnong. U la sei ki siej tylli ba sieh pynkiang ha ka jingker ban rung sha phyllaw bad hadien ba u la rung hapoh, u la laid beit beit sha i ing phlang hajan jong u diengsohshur. Ka ing ka i kynjah bha hynrei u iohi ia ki syiar kiba ia puh jingbam hajan ka shyngoid ai jingbam sniang. U la rung ha shyngkup bad u la iohi ba u thlong u khuid bha bad imat dang dep dung khaw. Nangta u iohi sa ki mohkhiew, ka khoh, ki pdung, u star, ka 'nupbah bad ki trap jot. Ka jingkhag bau kiew na shyngkup kam don shuh u diengkhag. Kumta u Jowel u la pyrkhath ba ki iadon ha ing bad u la pyrta. "Don briew ha ing?" Ym don ba jubab hynrei jar-jar. U la peit na jingkhag bad iohi ia u khiew halor ding bad ba ka ding ka meh. U iohi na ka jingshai kaba wan na pongshai kumba don brlew bathiah hajan ka rympei. U pyrta biang, "Don mano-mano?" Ha ka sien kaba ar, kawei ka tymmen ka la jubab bad wan mah na iwei pat i kamra iba dum. Mar kumta la wan mihsa u tymmen na kper bad u phah shong la u Jowel ha u dieng sawdong uba don hajan nengpei ba la buh khnang ba la shong shi ing. Ynda u Jowel u la shong, u iohi uwei pat u briew uba kli ialade hajan dpei bad thiah jaituh. Une u khie tuñ bad laid wur shabar ing khlem kren lano-lano.

"I ei ito ?" la kylli u Jowel.

"Uto—u khun keiñ—U Lar. Nga don tang une uwei hi u khun," la jubab u tymmen.

"Balei um shait ne ?"

"Em phi, uba khlaiñ kum u masi kyrtong tang ba um ju trei kam bad iarap ei-ei ruh ha ing."

"Te balei kumta? Lehse u don jingshitom bad um kwah ban iathuh keiñ."

"Jingshitom ! (U sangeh) Hooïd, u don jingshitom — ka pang dih."

"U khynnah uba dang mynno te kumno un leit dih haduh un da pynshitom ialade ?"

"Ym nang iakren shuh phi. Haka jingshisha um shym khynnah shuh te phi. U la shong kurim bad loh uwei u khun."

"Te shano ki iadon?"

"U la pyniap ia ki baroh arngut."

"Phi kren biët lei kumta? Ew, sang ho ban shu kren ramla eh tang namar ba u khun u dih."

"Bah Jowel, sngap ngan da iathuh iaphi. Hadien ba u la don la ka lok bad u loh ka

lok ruh kaba da burom bad sumar bha ia u,  
u la shim kabu da kaba ieh ha ka bapli ban  
trei lut ia ki kam ing bad ia ki kam kiba  
eh sha lum. Ka leit thoh dieng, leit kit um,  
ai um ia ki jingthung, ai jhur sniang bad  
khem dud. Nangta sa ka leit beh lew beh hat."

"Te ka lok te ka dei hi keiñ ban iarap  
ia u lok ia kita baroh. Ym dei phi?"

"Ap seh bah Jowel ngan da iathuh pyn-  
dep. Nga ioh ka khun nongshobnoh, ka lap-  
miet tang ka dih. U leit dih shah man la  
ki pata bad la sngewlehraiñ ba wan dañt pisa  
ki briew."

"Te phim ju sneng ju kraw bad pyni iai  
pyni ia u?"

"La kren bad iai-kren iaipyni hynrei kumba  
sympat ia u kulai iap. Haba u pangad myn-  
sugi u sngap bad i kumba un kylla, hynrei tang  
poi ka miet u la jah. Phim tip nga la byndi  
baroh, bad sniang bad masi namar ym lah pyn-  
biang jingbam shuh ia ki bad ki la sdang rai-  
khoh. Nga buh tang ki masi khemdud. Shi-  
teng na ka pisa ba ioh la hap siew ia ka bai  
kiad jong u bad shiteng latyngkai ban ia buh  
nongtrei ban iarap ha lyngkha. Wat la ita i  
pisa ruh u knieh lut bad u byragem byrsit."

"Te balei phim iakren lasyllok bad u  
Rangbah shnong?"

"Sngew lehraiñ phi Bah Jowel. Katba dang lah ban sngap te shu ia sngap keiñ—yn mudui kumno ia la u khun. Toi u Rangbah shnong ruh uwan man ka por ban iakren ia pyni—hynrei u bapli katno eh un lah ban iai kren iaipyni?"

"Te hynne phi ong u la pyniap ia ka tnga ki khua, phi mut kumno?"

"Kata keiñ; kaba pli ka lok ka la sah sa tang ka shyieng bad ka snep. Ka bam kaba biang ruh ym ioh shuh. Katba don la ka bor, nga la ia trei minot lang ha kper—ka thung jhur—ka thung phan, phan karo, shriew hynrei ym lah bor shuh kum mynno-mynno bad katno eh yn iohthung. Ka lum ruh ka la shu sah shræh. U 'ba lum, u sohriew, u krai kiba ngi ju bam dap snem ym ioh shuh."

"Te u khun jongphi u sngap la ka sngap wat la poi hadua kane ka pud ruh?"

"Phi i, Bah Jowel, haba u sngew smat te u iarap khyndiat khyensoit ha kper hynrei ynda kala dih ka buaid kylla ia u te, u la bun ka shoh thait-shoh jaituh keiñ phi. Nangta ka lok jongu, kabapli, kum kata kə met tlot ba la trei shitom palat bad haba kam ioh shuh ia ki jingbam ki babha kiba tei ia ka met, ka la khlad noh ha kapor ba ka kha ia i khun bad i khyllung ruh khlem ioh bat. Ah! ka bapli, ka la bha hi ba kan leit

noh. Wat manga ruh nga la isynei palat la ka bapli. Te phi i, ym dei ba u pyniap ma u ia ki baroh arngut?"

"Te ma, mynta phim iohi ia kano-kano ka jingkylla hadien ba u bapli u Lar u la duh noh ia ki bafeit jongu baroh arngut?"

"Hoofd, teng teng u iam pangnud ia la ki jingleh bad u la kham sangeh ka dih bad i kumba un ioh pang pynban. Hynrei imat hynnin u leit ioh ia i pls a shiphewtyngka ba buh ka tymmen ba almari oan leit thied khaw bad u leit dih. U wan ha ing bad u kyllon hangne khlem khie shuh haduh ynda wan maphi myntan."

"Te phi iaim kumno mynta?"

"Para basan te shu ia bam da u phan u shriew-u 'hur lum 'hur wah ba leit kheit leit tih na lum keiñ. Ka dud te la ka jong ba iakhem na ka masi kaba dang iari dukhi dukhait. Ngi ruh sa katno eh phi bah yn iaim ha kane ka pyrtthei shong byndi?"

"Peit ma, ieh ngan sa wan biang hadien shisngi arsngi, lehse ngan ioh iakren bad u bad nga lah ban thaw lad thaw lynti ba un kylla kabamut bad ba phin iaim suk baroh shi ing. Ngan leit noh shwa mynta. Nga sngewlem iaphi baroh arngut. Heh kine sanphewtyngka ba nga ai jingiarap sngewbha bad leit thied khaw thied jingbam khyndiat."

"Khublei Bah Jowel, U Blei Un nang kyrkhu kyrhai iaphi. Sngewbha sa da wan khnang keiñ bad sa thaw lad thaw lynti hi ma-phi ia u khun. Nga ngeit un kohnguh ia phi. Nga la sngewburom sngew kitram eh iaphi khublei.

## LYNNONG 6

U Lar u wan ynda la sdang durn bad u shoug syaid ding ha nengpei.

"Lar, me wan shano?"

"Nga wan sha kper bad pynieog ia ka ryan-san ri. Phi i u ri u la sdang soh bad ka ryan-san i kumba kan sa kyllon"

"Khun, i Bah Jowel i nang wan khnang ban wan peit ia ngi," ong ka kmie, "hynrei phi pat tang kren ruh phim kren ia i."

"U Bah Jowel. Phi te kine kiba la iableit palat. Um wan te haba u la jop ula long u member ha Durbar thaw aiñ—bad sa tang katno u la khia ka pla. U wan leh aiu hangne?"

"Lar, me kren kumno kumta?"

"Em, phi i pa, katno sien ki nongmibkhamat jongngi ki wan bau kular ki jingiarap kiba bun

ia ka shnong jong ngi, hynrei hangno kata ka jingiarap? ki wan tang ka ktien. Phin sngap ia ki? Nga te ba kan iawan eh ngan kynshu da u ksew."

"U Bah Jowel katba nga peit bha, um long kumta. U wan ban tip lut ia ka ing ka sem, ka ioh ka duh bad u sngap dngong ia ki jingeh ba nga iathuh ia u."

"Phi iathuh lut seh ha u ia kiei-kiei baroh. Imat phi lathad ianga—khanitam haba ngam don hajan. Ka iawan tang ban ioh lorni. Sa peit seh lada u wan biang."

"Peit, Lar, u Bah Jowel un sa wan biang. Nga iohi ia ktingnut babha jong u. U kwah ban iakynduh ia phi bad ban pyrshang ban plie lad plie lynti kumno ba ngin ion jingiarap."

"Nga hi ngam shaniah ia ki re ki briew. To ia shaniah ia i hi mapni."

"Lar, peit kine sanphew tyngka u sei na la ka pla ba ngin leit thied khaw, Me tharai u dei u riewkai? Lane men kwah noh ia kine ki pisa ba ai jingiarap u Bah Jowel ba men leit dih biang?"

U Lar u pyndem niuhmat bad u sdang ban khñi lam,

"Pa, " u ong "map ianga ba nga la ñiewbein  
ia phi bad ia imei baieit. Ngan kylla noh myn-  
ta bad ngan sa iakren bad I Bah Jowel lada i  
lah ban ai kam ianga."

U Kpa u jem jai bad u sngew ba u long u  
briew uba sngewbha tam haba u iohi ia u khun  
ba u la kylla kaba mut. U kren halade bad u  
ainguh ia U Trai Nongbua Nongthaw ba U la  
iohsogew ia ki jingduwai jong u bad u kren ha-  
lade, "U Blei uba stad. U plie ka lynti lada ngi  
iaid beit iaid hok. Ai ba ngin kyrmen ia kiei kiei  
kiba bha na Me bad ngin wad ia Me barobor."

U phai sha u Lar bad u ong, "Khun baieit  
nga ngeit U Blei U iohi ia ka dohnud babbe jong  
phi bad u phah ka jungiarap ha kapor ka ba-  
biang. Klet noh ia kaba la jia baroh bad to  
ngin iasdang thymmai ba ka ing kan long  
kaba suk bad ba i Mei bad i Pa jongphi kin  
ioh rieh tngen ha ki ksangkti bakhlain jong  
phi u khun rangbah, u khun baieit eh jonggi."

---

## LYNNONG 7

Hadien ba u Jowel u la mih na ing u  
Kpa u Lar, u la leit kai ha ing u Bah Dwer.  
U Bah Dwer u ia shongkai iadihduma ha  
phyllaw bad ki paralok. U iohi ia u Jowel  
ba u plie ia ka phalor siej bad u wan sha ki.



“Ani, phylla soí aíu kumno ba phi wan pot shaduh shane marwei?. Toi la dei ban da wan rah nongsynran ne nongpynrah diengduh -rah shatri keiñ haba la long heh.”

“Balei bah Dwer, phi te uba la nang siat phaisi bha phi. Tip haduh katno phi lah ban pyukylla ia ka jinglong jong u briew na kaba u ju long?”

“Wa, u bah Jowel, phi ong pynkylla? Imat phi kheñ ia ngi ki Ulu ki Pathor ne ki bieit mo tang ba ngim shym shong skul. Wat shaduh shane ruh ngi ia ioh hi ki khubor ia ka jing ia kylla rong bad jing iakvlla khieh kylla tdong ne iaryngkang diengkper ki rangbah nongialam jongngi ha ki kam sañ pyrthei. Ka lapoi haduh kata ka kyrdan ia-thied kulai ban iaioh ka majoriti ka seng. Te balei phin leit sngew haba nga shu kren phalang ia ka jinglong kiba bun ki rangbah nongialam jongngi ha kine ki por?”

U Bah Jowel u rkhe bad u iakynjut kti bad kitei ki rangbah kiba ia don lang hangta.

“Te phi lakren-iakhana aiu hangne?”

“Ngi shane te Bah,” ong uwei na ki, “yn iakren aiu palat na ka rep ka riang.”

“To, to labteng seh, lehse phin ailad ianga ruh ban iashim bynta lem,” ong u Jowel.

"Phi i Bah Jo," ong u Bah Dwer "Kael kaba la pynjynjar jingmut eh iangi ki rangbah ka long ka jingbymiah ban ioh jingiarap na ka Blok ha ka por kaba biang bad haba ioh ruh da syllang lada kbeñia ka lut por lut sngi bad ka bai kali baleit bawan."

"Nga iahap bad ka jingkren u Bah Dwer." ong uwei na kita kiba iashong, "ym tang ba lut sngi lut ia, lut bailynti hynrei ynda ioh ia i jingiarap i barit ladei ban da pyalut pat na ita iba ioh ban pynsngewbha ia ki nongai, la kumba ki ai na la ka pla."

"Phi ong bym ioh jingiarap biang por, phi mut kumno?" la kylin u Bah Jowel.

"Phi i Bah Jo, ka jia man ka por ba haba pan sboh, ngi ki nongrep ngi ioh ynda la sei u jingthung bad lada ap shitom pat la soiew ka rep bym labiang por biang samoi shuh."

"Ha utai u snem ngan iathuh iaphi" ong sa uwei pat, "nga pan sainar ban ker ia ka kper ban iada ia u phul kubi, kajor, bit, sohlakum bad muli na ka jingwan pynjot ki masi, ki blang bad nga ioh ia u sainar ynda labam lut ki mrad ia ki jingthung. Kumta shisnem la shu duh ei bad lano yn khyllie pat ia ka jingduh. Bua kito ki barep shisha, kim ioh jingiarap hynrei ioh pynban kiba rep malu mala ne ki bym dei ki nongrep."

“Ngam tharai phi kan long haduh katta Ki don em ki Komiti kiba iadei bad ki kam Block?” la kylli u Jowel.

“Tharai ki don em bad sngewmat kiba nang ba tip suda bad kiba kwah ia ka jingiarap ki nongrep palat ia kaba ki lah ban iarap ia u nongrep. Bun sien, kumba nga la ong, kham loh jingiarap u bym rep ban ia uba rep. Nga te nga la l’wngngoh. Hato khambha kaba ai jingiarap ia uba shu kwah ban pyrshang ban rep ne lah kaba ai ia u nongrep uba la ju rep bad uoa da tip kumno un rep, ha kano ka jaka un rep bad ia uno u jaid jingthung un rep?”

“Ngam da shai bha, bah, phi mut kumno kumta?”

“Ngan pynshai manga bah Jowel” ong u Bah Dwer.

“Ha kawei ka shnong ki iathuh ba ki nongtrei Block ki la pynbor ia ka shnong ban iapan kran. Kumta ki la pyntboh hi ma ki ia ki dorkhas pan kran bad la phah soi ia baroh ban loh sanspah tyngka uwei-uwei. Ha kata ka por te uba rep suda ha shnong. Tang hapdeng shitaiew la wan sam ia ka pisa, tangba, ki ong hana ym shym laioh ia kata ka sanspah. Ia u bym mut ban rep te ka biang hi hynrei ia kito kiba kwah jingiarap ban loh rep khambha te ka long ka jingshah shukor, ym dei?”

“Te kumno ki ia my jur hi ban shim?”  
la kylli u Bah Jowel.

“Phi i, Bah Jowel, kiba bun kito kiba ia pan kran kim mut ban pyndonkam ia ka pisa ha ka rep namar i pisa iba ki ioh ruh i long ibarit. Ki shim katba ki ioh ban thied ei ia kwei pat ki jingdonkam ha ing. Kito kiba mut beit ban pyndonkam ha ka rep ruh ki hap lashim katba ioh ei. Kin leit ia ujer shaei ki nongkyndong ki ba pli?”

“Ngam tharaí phi ba kan long kumta bad ki briew sorkar kin nym long kiba kblem raín haduh katta. Lehse ka long pynban tang ban shu pynjah burom ia ka Blok bad ki nongtrei jongka, da kito ki bym ioh ia ki jingkwah myntoi shimet jongki. Kawei pat, hynne phi ia ong ba phi la lut por lut sngi ban ia leit wad jingiarap na Blok bad mynta pat phi ong ba ki nongrep, ki ia ioh jingiarap ha shnong hi tang shitaraw,” ong u Bah Jowel.

“Nga ruh phi bah, ngam sngew lah ngeit keín,” ong uwei pat uba ia don hangta, “tangka, sngowmat kat ka jingiathuh, ka dei ka por ba kut ka snem ai jingkhein bad ka Blok ka dei ban pyni ba ka la iarap pisa ia ki nongrep. Kumta, tang ban pyni ia ka jingtrei hok ka Blok la shu sam pisa katba kynduh.”

"Ban lakren la ka Blok te ym lah lakut shuh phi. Kumba ong u paralok jongnga ba man ka snem u leit pan jingiarap na Blok ba un shna pung ri dohkha bad man ka snem ki wan ki nongtrei ka Blok ban peit ia ka jaka ban shna pung hynrei um ioh jingiarap ei-ei haduh mynta. U ruh um ju pyrkhut shuh ban shna pung dohkha shuh. La kumba blok noh ia ka jingangnud jong u da ka Blok," la ong uwei pat.

"Phi kren shaphang ka pung dohkha, kpa ka Ri?" la kem ktien biang u Bah Dwer u da rkhie iap-ang artat. Kane ka pyukynmaw ia nga ia kawel ka khana, tangba ngan sa iathuh pat."

"Iathuh iathuh seh bah Dwer, ka khana aiu kaba phin da rkhie haduh larit ki kawat kum u dkhan?"

"Wat sngew ei-ei ho Bah Jowel, ngan iathuh, tip ka long kaba shisha na ba shu iathaw u briew. Phi i, ki ong ba haba uwei u Bidi-O u shimti ia kawel ka Blok, u ioh na ai kot ki sla ka Blok ba ka don ka pung dohkha kaba heb bad ba la pynlut haduh sanphew bajar tyngka ban shna ia ka. Namar u long u basmat bha ia ka khwal dohkha, u la kwah ban leit peit ia kane ka pung. Pynban u shem ba ym don kum kata ka pung ha kata ka Blok. U pyrkhut ba lada ai ka jingthoh sha kaba halor lehse u para Bidi-O un shah trei. Hadlea

ba u la pyrkhath sani bha, kat kum ki rukom pyrkhath ki Bidi-O, u thoh sha kiba halor ban pyndam noh ia kane ka pung namar ka la jakhlia bad ka lah ban ktah ia ka jingkoit jingkhiah ki brlew kiba lah ban ioh ka khieshoh na ka jingshong ki skaiñ khieshoh babun jaid. U thoh ba ka pung ka don artat hajan ka skul bad ki khynnah ki lah ban mynsaw. U ai jingmut ban pyndam noh ia kane ka pung bad hadien ba la pynmadan ia ka jaka, lah ban pynlong ka jaka ialehbol ki khynnah skul. Ka jinglut ban pyndam ia kane ka pung kan long shiphew hajar tyngka. Kiba halor ki la sngewdei ia kane ka jingai jingmut bad la aibor ia u ban leh ia kaba donkam. Phi i ka khlieh Blok.?"

U Bah Jowel um lah kan shuh bad KAK u rkhe iap-ang bad khie ong artad, "Ew, ka khana jong phi te mo Bah Dwer? Tangba ka jingleh bha ia u para marjan ka wan rah ia ka jingkyrkhu, mo ?"

"Te phi, shiphew hajar kam dei ka jingkyrkhu kaba dang rit. Ka la klai hei", ong u kpa ka Ri.

"Bah Dwer bad ki para lok baroh", ong u Bah Jowel, "phin iaishah bad nga ba ngan da wad jingtip bha shaphang ki jingtrei jong ka Blok kumba phi la iapyni bad phin sngewbha ban iatrei lang bad nga bad iarp ban ia ai jingmut ruh ia ka Blok, khlem da riej ban kren ia ka jingshisha kumta ba ki jingthnu

kiba bha jong ka sorkar ban larap ia ki nongrep kan long kaba da myntoi shisha iaphi ki nongrep. Ngim dei ban shu kynnoh eh ia ki nongtrei ne kiba heh jong ka Blok namar ka sorkar ka la jied ia ki briew kiba bit eh ha kane ka kam. Ki ruh ki don bun ki jingeh kiba pynlong ia ki ban nym lah ban pynbiang ia ki jingdawa ki nongrep wat lada ki kwah eh ban larap ia ki."

"Yn leit kynnoh lei ia ki Bah Jowel lynda ki nongrep ki la lashem hi da lade ia kine ki jingbymiad beit jong ka Blok. Mynta u bapli u nongrep lada u ong ba un leit pan jinglarap na Blok un nym sngap shuh iaphi. Lehse phin sa shem hi dalade ia kine ki jingeh jongngi. Nga shu sheptieng ioh phi ruh phi shu jah noh bad wan mih pat sha ngi hadien san snem kumba leh ki nongmihkhmat jongngi kiba mynshuwa," ong uwei na ki.

"Lehse phi tip, Bah Jowel ia kawei ka biria dei por kaba iadei bha ia katei ka jingong u para lok hangne," ong u Bah Dwer, u da sammut artat." Uwei u nongmihkhmat u leit ban kanbas elekshon sha kawei ka sanong kaba hapoh ka konstituensi jongu. Hamar ba u poi ha phyllaw. u trai ing u bom ia u ksew jong u haduh uta u ksew u la rwai solo, kumba ong i babu Soso. Uta u nongmihkhmat u la kylli ia u trai ing balei ba u shoh sat katta-katta ia u bapli u ksew. U trai ing u ong-- Phi i Bah, la san snem um ju wan ing bad nga

la thait ka leit wad ia u. U wan mih mynta ka sngl. Mynta ngan ai ka jingsneng kaba biang bha ia u."

Shait, ki larkhie lang baroh bad ki lapynkut noh artat ia ki jingiakren kiba kordor bad la u nongmihkhmat jongki, u Bah Jowel.

---

### LYNNONG 8

U Jowel u la sngewkhia bha ia ki jingkre kiba u la ioh ha ing jong u Bah Dwer. U ngeit ba kaba ong ki paithah, lada kam del lut ruh, laiphew na ka shispah ka dei.

Ha lynti u iohi arngut ki kynthel ba ki iabah ia kawei ka tnad dieng kaba heh bad jrong. Ka kynthel kaba kham samla bad kaba phong ka sopti lboit kti, ka jaiñkyrshah nailon bad ki sliper ka bah ia ka dieng na ka trai bad ka laid na khmat bad kawei pat ka kynthel kaba la i tymmen bha bad ki jaiñ kiba la jot bad jakhlia, kaba phong ki kanbas saw ba la i kumba la shrut lut ka khnai, ka bah ia ka dieng na kliar, nadien. Ka kynthel kaba dang kham i samla kam shym i shitom bad ka i suk bad i sting hynrei kaba pli ka tymmen ka la i shitom bha. Imat ka dieng kam shong shuh ha ka tyrpeng hynrei ka la shong ha u budlum namar ka laid dem ba ka la kdor u



syngkai. Ka kynthei kaba dang samla ka la kren bitar ba ka tymmem kam lah laid stet, ka tim ia ka kum ia ka shakri.

U Jowel u la bud ia ki nadien, kham na pajih bad haba kine baroh arngut bad kata ka dieng kiarung ha kawei ka ing, kham pajih na lynti Bah, u Jowel ruh u la leit lang bad ki. Ynda poi ha phyllaw, katei ka kynthei kaba kham samla ka la pynhap kynsan ia ka dieng bad ka tymmen ka la kyllon ba kam pat lap pynhap. Hadien kata, katei ka kynthei ba kham samla ka la kren da ki ktien eh rang bad phet sha ing.

Mariapo u Jowel ha phyllaw, u la iohi ia U Bah No ba u thain ruh hajan ka sem buh dieng.

“Kumno Bah No ?” U la kylli kyrsan.

“Wa ! U Bah Jowel ae ?” Te phi wan poi kumno shane ?”

“Nga la poi dangstep ha kane ka shnong jongphi bad nga la rung bun ki ing. Nga dang shu mih na ing u Bah Dwer bad nga bud ia kine ki kynthei kiba ia bah dieng bad nga rung syndon ban loh iakren iakhana bad phi shpor.”

“Ine te i Mei kein, tharai phi kynmaw bad ito iwei pat te i lok jongnga.”

“Oh : phi ong kumta ?” la ong u Jowel, “Nga la i synei palat phi ia i mei ba i kyrshan ia kato

ka dieng bad i kumba in kyllon i bapli.  
Nga la mut ban iarap tangba ki iarung noh  
hangne."

"Hooïd keiñ, nga la ong ia i ba in nym  
leh shtom eh hynrei im ju sngap."

Ka kmie ka phai bad rung noh ha ing  
namar kam kwah sngap ia ki ktien thlang u  
khun jongka uba pyntrei ia ka kum ka mraw  
ban pynsuk katba lah ia la ka lok.

"Te phi thaiñ minot alu ko katne-katne?"

"Nga pynthaiñ ine i ruh tong sher phi ia i  
mon ba i la dalt eh ban ia leit tong sher bad  
ki paralok lashai."

"Phi ong, i mon ? "

"I lok jong nga keiñ, ito myntan. To da  
rung seh Bah Jowel, kito ki ia don ha ing. Nga  
ruh ngan sa wan ngan da pyndep ine kyndiat,  
bad lum ia ki tiar."

U Jowel u rung ha ing bad u iohi ia i  
kmie u Bah No ba i pyrsad ding pho shi pho  
bad lur artad ia ki tyllaw. U iohi ia ka lok  
u No pat ba ka sait kjat bad kyrshut khong-  
dongjat ha u maw ha shakiar ing. Katba u  
dang iakren bad i kmie u No, ka lok u No  
ka la pyrta ia i tymmen nabar ba in leit ai um  
shuh ia ka bad i bapli, ro ro i hap rah um ha  
ka borti ban leit ai sha ka.

U Jowel u la i pangnud la kane ka jingleh  
ñiewbelñ ka pyrsa kurim ia ka klaw kurim.  
U la pyrkbah ban mih bad leit noh hynrei wan  
rung noh u Bah No bad ki sdang ban iathuh  
khana.

Sa shiphang ka wan sa ka lok jong u bad  
ka bat ia ka ruh sher ba thain u Bah No.

‘Balei kumne? mem pat thain dep seh?  
Me phah rah dieng ianga bad kane ka tymmen  
bad me kular ban pyndep ia ka ruh hynrei  
dang katne? Kumno ngan leit tong sher lashai  
bad ki paralok?’

“Ngan sa thain pyndep shibit mynmiet seh-  
to buh shuwa hangto bad iasong noh da u kwai.”

“Men thain pyndep lashibit? Ngam tharai  
namer sa shipor kin sa wan pyawit biang sa  
kiwei pat ki paralok jongme.”

Ka bret ia ka ruh ha madan bad ka mih  
noh shabar da ka jingdom.

Baroh arngut—U Bah No bad ka kmie  
ki la sngewlehrañ ka bym don pyrthel shuh.  
Ki la shu pyrshang ban ia pur khana noh shane-  
statai.

I bapli i kmie u Bah No i iasong kwai ia u  
Bah Jowel bad i shu kyrngah ka khlieh. I pyrwa  
sha hynrei u Jowel u iathuh ia ki ba u dang

shu lah dih na ing u Bah Dwer. Hadien shipor u sa mih ban leit noh sha la shnong namar la noh phai sngi, u da pyrkhath kumno ba ka pyrsa kurim kan nud ban leh kumto ia ka kiaw kurim ? Baroh shikatta u nang pyrkhath ba ka akor Khasi ka la hiar tang ha Sor hynrei pleng sha nongkyndong ruh kumjuh. Ula puson hala de ia ka jinghiardor ka akor Khasi haba ha ki por ki Kmie ki kpa tymmen ka la ioh ka jingiaroh wat na kiwei pat ki jaid bynriew.

---

## LYNNONG 9

Hadien ba u Jowel u la wan biang na Shillong, u la pynbeit prokram ban leit peit shnong biang. Ha kawei ka step u la mih ban leit sha Laltmawlieh, kaba hajan ar lad, kumba arkyntien kwai ei-ei na shnong jong u. U la leit belt-belt sha ing jong u Bah Neron uba u ia shnong skul lang dang ia khynnah ha shnong. U leit lap hamar ba ki dang ialum khruai ia u pdung phan karo bad shriew rit ba kin ia-bam jingbam sngi.

“Ani ka Bok jongnga te mo ! shano u Bah Heron ?” U la kylli.

“U Bah Jowel ! Ka Iyer kyllang aiu kaba wan pynhap laphi shane?” U Heron u ieng joit na ba shong.

"Naduh shnong la wan sub ka jingiwbiñ uae u phan u shriew jong phi te, hap wan keiñ. Nga la poi biang por bha ha ka bam. Ha kato ba nga wan shisien ruh nga kynmaw ba ia bam phan pyut bad kato ka 'tungtap kaba la sat palat. Tangba katlo ka jingbang."

"To kham iashong lang bah. Ai kato ka mula hangne. Shong shong Bah Jo, sngewtynnad kata ka jingwan poi jongphi bad hamar ban iakhreh bam," ong u Bah Heron. "Shim seh, bam la ka bam, ha ing nongrep jongagi te ngin ioh tam aiu ban tyrwa iaphi. La phi rit ne phi heh ruh haba la ia long paralok to ngin ia sngewlehraiñ aiu shuh bad wat leit thew eh keiñ Bah Jo ia ngi ki nongrep, lada kum ia oakla ka ktien ka thylliej hynrei haba ka dohnud pat ka ktuid."

"Ban da ngam sngew shuh ialade kum u trai shnong kine ki-thaiñ, phi tharai ngan dang wan shnong shuh hadien ba nga lajah leit shongskul sha Sor la katta ki snem? Phi tip hi mynta lel-lei haba nga la shimti ia kane ka kam nongmihkhmat, nga la dei ban iatrei lang bad phi baroh khnang ban ia pynbha pynroi ia ka rep ka riang bad ban ia pyrshang lang katba ialah ban pynioh ia ka kolt ka khiah bad ia ka suk ka saiñ ki nongkyndong."

"Kata kaba ngi ki paitbah ngi khmih lynti bad ngi da sngewieit sngewburom iaphi."

Hadien ba ki la ia bam phan bam shriew  
 ha ban da kdang bad la iathuh khana biria,  
 ki khun u Bah Heron bad ka kmie ki ia ieng  
 ban ialeit sha lum ban ia pyndep ia ki kam  
 kiba dang sah ha lum.

“Sa wan biang ho Bah Jowel. Ngi te ngi  
 hap ialeit pyndep ia ki kam kiba sah sha lum.  
 Nang lashongkal bad i kpa,” ong ka lok u Bah  
 Heron.

“Ngan wan keiñ tangba sa shet biang da u  
 phan pyut bad tylliat tungtap kaba sat bha  
 bad u jamyrdoh bad sa buh bad u jyllang de,”  
 ong u Jowel.

U Bah Heron u thang ia u tangduma bad  
 u ialam ia u Jowel sha phyllaw ban iathuh  
 khana sa para rangbah namar ha ing ka shit  
 lhop eh.

“Bah Heron, kumno ka rep ka riang ka  
 long mynta ka snem?”

“Ka bit hi phi bah Jowel, tangba ym  
 thikna shuh namar la loh dier eh u slap. Shim,  
 tan shuwa maphi seh Bah Jowel, nga loh u 'ma  
 shillong uba jem angewtynnad bha.”

“Tip phi, imat la kylla ka pyrthel. Haba  
 donkam slap ym ioh bad haba dei ban rang  
 pat, u ther.”

“Ngi ki nongrep te shu ia ud phi namar ba ia beh ia u bnai thung bnai tep. Nangta sa u bnai tih, lum bad bnai ot.”

“Te phi dang iarep 'balum hi mynta shathie shajuh - sha ktieh?”

“Hooïd keiñ Ngi la iathied sa kawei pat ka pynthor sha Umjarañ mynta la arsnem kaba leit haduh 20 (arphew) byrni u 'ba symbai.”

“Ki masi pat katno tylli phi don?”

“Kito shihar kiba ju don bad sa shihar ba nga dang shu thied, nangta sa ki 'si khem dud artylli bad ki sniang. Mynta ki sniang ki don sa tang phra tylli kiba la sdang lud ba la iadie noh santylli ha kine ki sni.”

“Kata te, phi la trei rad bah bha phi Bah Heron.”

“La shu iatrei shitom lang baroh shitymen bad ki nongtrei. Phi tip hi uto u khun neh u don sha Shillong—u pule ha Don Bosco ha ka klas kaba phra bad ka Thei pat—ka la pule ia kaba lai ha shnong.”

“Phi mut ka Jaimon? Ym lap ba iohsngew mo ia ki por ba ki her.?”

“Hooïd keiñ pelt sa uto uba rit u la dap sawsnem mynta. Lada ym ia trei shitom haba dang iakhlaiñ te la bam khyndew ki khun. Ym

dei?" ong u Bah Heron "Phi pat kumno Bah Jowel? Balei phim pyrkhat ban wad nongiarap noh? Toi ka por ka la jan dier te phi."

"Kaba dei Bah Heron kaba phi ong hynrei bym pat iathoh shyeng krung badno—badno te phin leh kumno?"

"Tip seh shatei sha Sor ba bun ki thapbalieh ba bunrong ruh—balei phim kem la ka kem kano kano kaba phi imou itynnad?"

"Ka shongkha shongman te phi Bah Heron, jaid ngi kiba dang ia bat niam, ka donkam ban da jaid kumba dei rukom, vm dei? Ban da tip u kailu ing, ban da iateh u saifong u saisaw, ban da ia pynjaw u klong u skaw. Ym dei?"

"Ka dei eh kata kaba phi ong bad donbok keiñ Bah Jo ba dang don ki samla rangbah ki ba sngewthuh kum maphi. Toi, dei ban da riew u sniang u keh ban shong shit ka shnong ka thaw, ho Bah Jo."

"Nga tharai ngan ieng noh shuwa phi Bah Heron, ngan leit rung sa ha ing u Bah Khre khyndiat. Tip u ialong kumno, mo?"

"Phi leit kylli ianga, ngan leit tip hi?"

"Wa i Bah Heron, kumno phim tip ia u paramarjan ba ia shong khappud?"



“Ka Paramarjan ka kmie, phi, ka 'riew-khlemakor. Ngim ju ia leit iawan shuh la kham slem te Bah Jowel.”

“Balei ?

“Phi i, Bah Jowel, ban iathuh rub la sngew salia. U briew aiu phi u ba byrngem byrsit ia khynnah, u khun jongaga haba u wan shuti ba u leit khajoh ia u sohphoh jongu uba noh ki tnad ba don soh sha kper jongaga. U khynnah te phi ha u khynnah, ym dei ? U ikwah keiñ bad u kheit soh uwei ar ban bam hynrei u tim pyaban ianga ba ban da biang Nga ngam don ha ing. U iathuh u khun ba u beh ban shoh ia u. Ba ngan da don te la iakynduh para khun shynrang ka Mei.”

“Balei un leit leh kumta mo ? U la dei ban shu mai ia u kum u khynnah lane iathuh heph.”

“Pai tip ha kawei ka sngi u leh kumta ? Ka riwalka ka pom lut ia ki siej na ka jongaga baroh kiba noh sha kper jongka bad ka pynpur jhur jai. Ngim shym ong ei-ei namar lehse u para marjan u donkam siej Toi u la dei ban da kynjoh ktien ia nga ym dei Bah Jo ? Kumta ha kawei ka sngi ba um don ha ing, nga rah da ka wait lynggun, nga mait lut khañt ia ki tnad u dieng sohphoh jongu kiba noh sha kper jong nga bad nga phanang bad dieng bad soh sha kper jongu. Ynda u wan mynmiet u byrngem

bad kumta haduh la iakhih baroh shi shnong  
bad ym lah pyjem."

"Nga tharai ka bha ba iakren ia suk phi  
bah Heron, khamtam u dei u para marjan, hynrei  
phin ialong kumne te kumno ki longdien jongphi  
baroh aregut kin ia im ia sngewbha paramarjan,  
iadon lem ha ka shitom ne ka sngewbha."

"Nga la mut ban pynsangeh syndon ia ka  
um kaba laid na pynthor jongoga sha pynthor  
jong u. Ka leh jop eh."

"Em, Bah Heron, ieh ngan sa kren manga  
ia i bad ngin sa iasuk ryngkat bad u Rangbah  
shnong. Kaba la dep la dep namar baroh ki  
mih ha ka por ka jingbitar. To Bah Heron ngan  
laid shuwa mo? Ieh ngan sa wan mih. Phi ruh  
phi la dei ban leit peit ia la ki jingtrei. Sa ai  
khublei ia i kong.

## LYNNONG 10

U Jowel u rung ha phyllaw u Bah Khre  
bad ka ing ka i kynjah bha ; u iohsngew tang ia  
ka jingkyntok ka Syiar kaba dang lah kha  
pylleng bad ia ka jingting kur-kur ka kynthai  
sha dien ing. U leng shiphang bad u tied jing-  
khang. Wan mih u Bah Khre uba i kumba u  
dang shu khie na jingthiah.

"Wa i Bah Jowel ! Phi wan shane seh?"

“Hooïd keiñ Bah Khre, nga wan laïd shnong noh phi ban ia kynduh ia ki para rangbah ban iatrei ia ki kam shnong katba nga lah ei, ban iarap ia ki shnong ban pynioh ia ki jingdonkam ba donkam eh jong ki. Balei Bah Khre, phim shait ne kumne?”

“Ngam shait balei phi Bah Jowel? Nga dem kai tang shu lah bam ja step hynrei shu lah ka khmat jai. Imat bym dap thiah hynne mynmied phi.”

“Te balei phi ia peit miet eh, ne?”

“Hooïd keiñ phi, imat nga wan poi ing ruh ynda la kynih u 'iarnyngkong.”

“Shano phi wan ko?”

“Ngi ia wan ia kynjoh khaskaiñ ba kiew ing thymmai u Bah Myllon keiñ ha Laitlum.”

“U Myllon te u shong ha Lumlyer em?”

“Wa i Bah Jowel, phim tip seh ba u la ioh briew ha Laitlum. Ka dei ka khua mih ing bad u kthaw u Myllon u la pynshoa noh ia ki da ka ingthymmai ha jan ka ingbah nongtymmen. Ka lok jongu—ka kong La.”

“Kata u kthaw u la leh kaba dei eh phi ban lait ka huri-hura ka kajia—majia. Ynda la ia shong lang bajuh kum mih ki jingiapher jingmut. Te ki khun ki kti jongphi pat kumno?”

"Ki iashait baroh Bah Jowel, khublei. Imat ki ialeit sha i meideng mo? ka kmie te ka leit Laban naduh lah iewrit bad ka la del ban wan te Imat bym 'ioh mar mo?"

"Ka Mar aiu Bah Khre?"

"Phi i Bah Jowel, ngi la ia pyrshang ban iabuh jingdie malu mala ha ing te."

"Kata kaba bha eh keiñ ban suk ka shnong bad ialade ruh myntoi. Lada kham buh bun sa ki marbam mardih bad lada lah ban trei sbitom bad nang ban kunai, ka dukan te kawel seh."

"Phi i Bah Jowel, shane sha nongkyndong te ban ong ban myntoi ruh ym nang ong namar ki bapli ki nongrep te bun ki shim shah. Lada al ruh phi tip hi ban ioh pisa la sbitom bad lada ym al ruh, kumno haba kiba ithuh suda. Sngewlem hi keiñ ia ki ba pli haba ki poi ha i por kyrduh, khamtam ha ki por thung por tep. Tangba lada kim siew da ka pisa ruh ki shu iarap da ka kam ne wan rah da u kba, u rnga lane ka diengiap. Kim bam ei hi ki ba-pli. Yn haram lei phi."

"Te u bah Heron pat kumno? Imat phi iadon ka jingbymiasngewthuh jingmut bad phlm ju ialeit-iawan shuh, ym dei?"

"Phln iakren la u Heron te ym long. U bha eh hynrei imat katba ong ka tnga kumta un leh, la kum uto u 'Si Samkhumut."

**"Te balei, mo?"**

**"Ka jinglaili laifi jongka bakhmat hakhmat haba lakren para rangbah kaba i khlem'akor. Phi i bah Jowel, ha kawei ka sngi u' khun jongu u kawang sohphoh bad dei ia ka ing arisien laisien ha ka por ba u shit met u khun uba ar. Nga mih bad kynhiet ia u khynnah, hynrei u kawang pynban da u soh lajan dei ianga. Nga mai nga byrngem ia u bad nga rung noh sha ing. Nga lohsngew ba ka lok jongu ka tim pynban ianga ha ban da biang. Mano phi ban laai ktien ia ka kynthei?"**

**"Te tang la ita ruh balei haduh ben nym la kren iaklew shuh? Ha ka jingbitar te bakla hi mano-mano, khamtam ka kynthei ka bym kot ka jingpyrkhat kum u rangbah."**

**"Hooiid keifi bah Jowel, ban nym dei ka kynthei te ym la la longthma? Phi i, Bah Jo, hadien shitaiew pat haba ym iadon briew ha ing-tang ka tymmen ap ing, u Heron pat u daiñ ia ki toad dieug sohphoh baroh "noa noh sha kper jongu. Ka jing i pangnet te phi hamar ba u dang sohpha bad nga la meh ding laifi ha kata ka miet tang ba ki shu lapynjem ki paralok. Ua' da ong da ka ktien te ngam la pom hi? Ngam ju leh khlem'akor hi, man ba u sohphoh u la ih bha, nga ju phah ai soh ia u bad katno slen u ju wan shim shah na dukan jong ngi?"**



“Phi i bah Khre, baroh ngi ki balew ngi iadon la ki jong ki jong ki jingduna. Ha ka jingbitar ngi kum kren bad leh la kiei-kiei kiba ngim del ban kren ne ban leh. Ynda ngi la tip briew pat, ngi sngewsih kylla. Ieh phi ngin da iakren para rangbah ryngkat bad u Rangbah shnong ban ia klet noh ia kaba ladep. Nga la kren kumjuh la u Bah Heron ruh. Phi i u paramarjan hi u del u kur u kha uba jan eh keiñ ha ka pang-ka jhia, ka iap ka im bad wat ha ka sngewbha-sngewmiat. Wat tharat ba ki thana jongphi kin lah kum u paramarjan.”

U Khre u leit sha ing shetja bad u wanrah ia u tangduma.

“Tan-tan noh da une phi nga la buh um khluid ha ding ngin ia dih da ka sha. Kumne ka mongtrei ka la wan hi—ka leit khelt jhur sniang.”

“Te phi don katno tylli ki sniang, bah Khre ?”

“Sah sa phratylli phi. Saw kiba heh bad saw kiba dang kham rit. Nga la die noh lai tylli ha kane ka tiew.”

“Lah dor bha mo Bah Khre mynta ?”

“Mynta te Bah Jowel kaba long dor suda, khamtam u sniang. Man ka por wan wad sniang ki briew ban ot doh ha iew ne haba shongkurim, sngikba, dapsnem ne bamkhana shnong.”

“Phi ri ki sniang alu ?”

"Ki snlang Khasi phi-ki snlang long."

"Balei ki snlang Pham-snlang lieb kim long?"

"Tip seh, imat u laid lew bha u snlang long phi."

Sa shiphang ka nongtrei ka wan rah sha bad ki ia dii.

"Ani ia iashongkai slem bha phi. Nga ia pynwit pynban iaphi. Artat nga mut ban leit kai ha ing u Babu hangtei ha skul."

"Ngan wit lei phi, nga nang sugewtynnad ia ka jingiyaknduh namar ym ju loh iathuh khana shuh la slem. Hynrei lada phi mut ban leit kai sa shi ing ar ing te ngam bat iaphi namar i kumba la phai noh sugi," ong u Bah Khre.

## LYNNONG 11

U Babu Korsingh u iengkal ha phyllaw skul bad u peit kai ia ki khynnah skul ba ki pynmadan ia ka jaka ia kynjat ball. U iohi ia u Bah Jowel na pajih bad u leit ban iakyn-duh la u.

"Bah Jowel, nga ia iohi kum maphi nang-  
tei na skul bad nga ia wan beh loh phi laid leit."

“Wah! Babu, nga da wan khnang shane nangtel na lad ban wan peit iaphi.”

“Kumno Bah Jowel, phi khlaif phi shait bba? Yn wan kai sha shnong jongphi ruh tip phi don ba shnong ne phi la leit Shillong. Lada phi dangsah te ngan sa wan ha ka sngi saitjaia ba long skul tang mynstep.”

“Nga don hi ha shnong bad nga kwah ban latrei lang bad phi ban la pyrshang pynbha, pynroi ia ka shnong ha ka thoh ka pule bad ka rep ka riang. Nga leit sha Shillong tang haba iashong Dorbar.”

“Ngi ki nongtrei bad ki shnong te ngi sngew kmen eh keif ba ki nongmibkhamat jongngi ki iadon lang bad ngi ba shnong khnang ba ngin loh ka jingialam, jingiarap bad ka jing-pyni lem jongphi. Nga klof ban iarap iaphi ban latrei ia ki kam pynbha shnong bad kham-tam ba phin ai jingmut ia kiba pli ki nongrep, kumno ba kin thrang ia ka jingstad ki khun ki kti jongki”.

“La wai skul mo, Babu?”

“Hoold lawal tangba ki khynnah ki ia don baroh namar ki iapynbha ia ki madan phutball. Ia seh ngin ialeit sha skul shiphang ba ki khynnah kin sngewkmen bad ban loh sngew ki ktien pyni na phi bad ba kin loh mynsiem ban nang iaiminot. Hadien ngia iarang ha ing jong



nga shiphang ban iadih tang i sha shipela. Ngan da tip lypa ba phi wan shane to ngin da ia pdiang burom iaphi ha ka rukom kaba dei. To ieh ngin sa ialeh ha kawei pat ka por."

Baroh arngut ki iakiew sha ing skul. U Babu u lum ia ki khynnah skul bad kiba iadon baroh ha ingkul bad u pynithuh ia u Bah Jowel. U Bah Jowel u kren shikyntien arkyntien namar ki iadon tang khyndiat ngut bad u la kular ban ai sngewbha ia ki kawei ka Ball kynjat ia ki khynth shyrang bad kawei ka Basket Ball ia ki kynther. U la kular rub ban pynioh pipa ba kin pynhua, pynmadan bad kham pynheh ia ka madan ialehkai jongki. Ki khynnah skul baroh ki iathap kti lang bad u nonghikai skul. Hadien kata u Babu u ialam ia u Bah Jowel sha ing.

"Katno ngut ki khyannah skul ki don baroh, Babu?"

"Ki iadon baroh kumpa hyariew phew ngut hynrei kiba wan thikna hi tang haddong saw-phew bad sawphewsan ngut."

"Te balei tang katne kiba wan skul haba ka shnong ka la heh bad na ki shnong kiba marjan ruh ki don ki khynnah skul, ym dei?"

"Phi i Bah Jowel, phi ruh uba la shong da sah, la san la rangbah ha nongkyadong phi sngewthuh hi ia ka jingduk-jingkyrdub jong ki

~~below kaba~~ ngam da kwah eh ban pyntheh. Pynkhat seh kiba pli ki khynnah ki dei ban leit pyllait masi dangstep bad ban leit beh ia ki sha lum. Nangta ha ka por thung por tep ki dei ban ap ia la ki jingri loh ki leit pynjot ia ki jingthung."

"Hoolid kein Babu, nga sngewthuh ia kane ka jingeh hynrei tip ngin ialeh kumno mo ban larap ia ki ba kin nang shuwa tang ban thoh bad pule malu mala. Yoda ki la nang ban pule, kin sa bang ban wad jingstad shuh-shuh da kaba pule ia ki kot jingiathuhkhana Khasi kiba bun."

"Kaba dei kata."

"Sa kawel pat Bah Jowel, lada ki kmie ki kpa bad kiba san ha ing ki hap ban leit lum leit bylla, ki bapli ki khynnah ki hap ban bah para bad ap ia u kba ba thad ha phyllaw ban nym bam ka sylar ne ki blang ki masi. Phi la lohi hi katno ka jingisynei haba teng-teng ki heh kiba shah bah ia ki nongbah. Te kumno yn lah ban pynbor ia ki kmie ki kpa ba kin phah skul? Kito kiba labun shipara te ki lah ban loh lad iwei ne arngut ban wan skul."

"Te Babu phi lah kumno ban synshar katne kiba rit ban hikai ia baroh ha ki klass bapher-bapher naduh klass A rit haduh klass III?"

"Kane keiñ Bah Jowel kaba eh eh ka kam langi ki nonghikai khamtam, haba ia dei bad kiba dangrit bad ki bym pat tip ei-ei ruh ia ka jingsdang."

“Phi leh kumno Babu ban pynloh jinghikail  
ia ki baroh ba skul?”

“Phi i Bah Jowel, lada shim klas ia ki  
khynnah klass III la dei ban ai jingkhēiñ ne  
jingthoh ia ki klas I bad klass II. Ia kiba dangrit  
klass pat shu nang phah lum ia ki dieng ki  
maw habar skul ban lait na ka jinglajam da  
ka ba hikail ia ki ban pynlang lailai, saw-saw  
na san-san shi jaka bad hadien sa hikail ia ki  
kumno pat ban kheifñ lang ne shah u brlew.  
Lane phah ia ki ban la dro jingdro ha ki sleit.  
Hangta pat hap ia pholin ne kyrdem lepphreit  
lang bad ki, ialeh ball, ialeh sport ne mareh  
lang bad ki khnang ba kin sngewjan bad sngew  
paralok ia u nonghikail bad nud ban kylli ki  
jingkvilli kiba u nonghikail u lohlah ban batal  
ia ki.”

“Te kumno shaphang ka jingsumar khuid  
ialade?”

“Kane te Bah Jowel kaba kham shitom  
namar bun na ki kiba don tang kawei ka sopti  
bad ki phong ia ka baroh shitalew. La dei ban  
hikail ia ki ban saittjaiñ bad ban sum man ka  
sngi saittjaiñ. Wat la kane ruh, bun na ki kiba  
duk kat haduh ban thied sabon ban saitt ban  
sum shisien shitalew ruh kim loh lad. Tip ka  
sorkar ne ki bor kiba halor ki tip bad ki  
pyrkhat ne em ia kine kiwei pat ki jingeh?”

“Babu, wat manga ruh ngam ju pyrkhat  
haba ngi kyntu ia ki nongkyndong ban lehkhut  
ne ban sum man ka por.”

"Sa kawei pat, Bah Jowel, kumno kfa lah ban lehkhuid haba ki ing jongki kiba rit bad khapngiah; ki ia bam hajuh, thiah hajuh bad sa u phan u shriew ruh hajuh. Kito kiba kham ioh bor ban kham pynheh pynkhuid ia ki ing te ki kham khuid."

"Kiei de kiwei ki jingeh ba phi shem ha ki khynnah skul babu?"

"Kaba bun te ka long ka jingbym lah jong ki ban thied ia ki kot pule, ki sia, ki khulom bad kot sada. Nangta sa ka jingbymdon ki kot-pule kiba bha ban pule kai haba ki lait shuti bad ki tiar lalehkai. Ban shu ong noh, ngim don ki Library kiba biang ha skul. Yn nai fakren eh ia ka jingdonkam ka Radio set ka ban pynmyntoi bad pynroi ia ki kum kiwei pat ki ri".

"Nga tharai suki-suki-ka sorkar kan sa pyrkhath ia kine tangba ka Radio te ym long namar ym ioh kem ia ki prokram Khasi shane".

"Te balei ba phi kiba ia sngewthub, Bah Jowel phim fakren ban lah ban pynpoi ia ki prokram Khasi sha ki nongkyndong kum shi kiwei pat ki jyfla ka ri India. Da kaba burom nga kren laphi Bah Jowel ba kiba bat ia ka bor imat ki ia pyrkhath tang ia ki briew ha ki Sor kiba la nang riwspah bad ioh ia ki jingkwah jong ki baroh ha ka jingim hynrei sha ki nongkyndong pat—ka jingsynshar dalade ia ka ri kam pat shym la pynmyntoi ei-ei ia kiba pli ki nongkyndong ki barit, ki batlot bad kaba dang sah ha ka jingdum, jingbleit bad jingkyrdub."

"Kata te phi la pom da ka waitiyagana syndon phi babu."

"Nga nud ban kren kumne la phi, bab Jowel, namar phi la long kum u para jongga, uba ngi ki nongshane ngi la kamin lyati shibon na phi bad uba ngi la da ia pyrkhut sani baa ban pynmih na kine ki thain. Ngi la al ka burom kaba khaw laphi bad mynta pat ngi buh ha phi la kane ka lyngkor. Lada sapang hashnong ruh, shapo yu loh jingiarap mar-mar? Phim tharai ba ka la dei ka por ban ai jinghikai al dawai katto-katne ia ki nonghikai kiba phah sha ki nongkyndong lane ia ki Kramsebak shynrang bad kynthai ba ki lah ban ai jingiarap ne ai jing sumar ia ki bapang, shipor katba ym pat loh jingiarap na u Doktor?"

"Ka dei hi kaba phi pyrkhut maphi ruh babu, hynrei phi i mynta ha ki al kiba khara shai, ki la pyrshang ban pynmih ki kynja dawai kiba lah ban loh na dukan die dawai la kine-kine ki jingpang ki bym da dei eh ban da luit Doktor ne Hospital."

"Kata kan larap alu kela bab Jowel namar mano ban phi dukan dawai ha ki nongkyndong lynda ka sorkar, lehse, kan buh dukan hi kawel-kawel man ki shnong heh bad ban don da u compounder ne nongkhieh dawai uba la loh jinghikai ban khieh dawai ha Hospital ne da ki Nos kiba la shongthait na ki kam jong ki. Kine kin latrei ryngkat bad u ne Na Social Worker ban thung da ka Sorkar."

"Phim ju pyrkhat, babu, ba ki nongkyndong  
 jongagi, wat kiba bun mynta hi ruh, kim ju  
 khuslai ne pynlymwir ia ladelada ia kynduh ia  
 ki jingpang-jingmynsaw kiba ia pang paidbah  
 kum ka bafongkähieh, ka suhot, ka khieshoh,  
 khamtam ia ka mynsaw bad ka kheih shyeng.  
 Haba pdung ding ki kyllan da ka khieit syiar  
 lane lada ia jur, ki don ki Khasi kiba stad kiba  
 shu pyrsad ba kan mih ka ding. Haba khie  
 shoh, bam da u sohngang ne ka doh mynsang.  
 Haba suhot ki tylliat da u slasohpyrlam bad u  
 pudina, haba shongmaw ki bam da u sohkhia  
 bad ki don ki jingpang kiba kynrei bha mynta  
 kiba ki bam da u jafur, u sohpyrshong bad u pai.  
 Ia ka jyrhoh malu-mala ki bam da u rynsun bad  
 ka umphiang bam bad kyllan artat ia ka sha-  
 dem bad ki krung lane ki bam da ka ngap sah  
 snem ne ka shasaw kaba ia ber bad u sohmrir  
 Khasi katto katne. Wat ia ki khmat ruh ki  
 pynjaw da i um na i symboh sohkwit ne da ka  
 um sohmynten. Haba mynsaw pat ki pyndon-  
 kam da ki kynbat ba har rukom. I symboh  
 'wai im' uba ia ih bha ne ka kya ki long ka  
 dawai ba larap bha ia ka mynsaw. Haba kheih  
 ka shyeng, ki sop da u tynrai 'tiew Lili shynrang  
 bad kiwei-kiwei. Ia ka pang Niangtyrsim ki sop  
 beit da u shynrai im bad kumta ter ter. Mynta  
 la shu ialet beh Hospital tang shu Nium malu-  
 mala, sa don kiba ong, katba nang bun ki Dok-  
 tor bad ki Hospital, nang bun ki jingpang bad  
 khapngiah ki Hospital da ki nongpang."

"Kaba phi ong maphi, bah Jowel, kaba  
 dei eh hyndei mynta ym ia pyrsang shuh ban

pyndonkam da ki kynbat namar shitom phi ban  
 la lthub la ki jaid kynbat bad kawel ruh la la  
 pynduh lut la ki. Shano yn lohshuh ki khleñ  
 dogiem, khleñ khla ne khleñ, kohkarang ban  
 kilan bad khem haba laitdon laithied? Te  
 phim tharai, bah Jowel, ba kan da wanrah ka  
 jingmyntoi la ki pateng kiba badlen lada ki  
 riewstad na ki nongthoh Khasi kiba la trei shi-  
 tom ban pynmih kot Khasi ban iatrei shitom  
 noh ban iawad jingtip bad buh jingthoh noh la  
 kine ki jingstad u Khasi ba kane ka phang.  
 Lada ka sorkar ka ai jinglarap te nga tharai lah  
 ban leh la kane, ym dei?

“Kaba donkam shisha keñi, Babu namar ka  
 jingstad u Khasi ka long shimet bad kam hlar  
 pateng, te phi. Tip balei mo?”

“U Khasi te u dei ubastad shimet bad uba  
 im shimet. Ia kata ym lah ban len, kumba ong  
 uwei u brie v ba lada u Khasi u iatyili te um  
 dei shuh u Khasi, u la dei uwei pat u jaid byn-  
 riew. Ym tang katta, sa ka bishoi, ka kawan,  
 ka kwah burom bad ka jingbymlah shah ba u  
 para Khasi un kham longbriew ne kiew kyrdan.  
 Balei ki mih ki Thlen, ki aibih, ki taro? Phim  
 tharai ba ki long tang ki dawpynjot? Phi ngot  
 hi la kine kiei-kiei kiba wallam tang ha jing-  
 lashun bad ka jingbym la shaniash shuh paralok,  
 paramarjan bad para shnong-parathaw? Lada  
 riewspah ruh la ri thlen, lane aibih ai taro, bad  
 lada duk pat, la behnong. Nga kynmaw  
 uwei u paralok ha ing lapbriew u iathuh ba u

la leit bebmrad bad u paralok. Kynsan kynsan ka mih ka dngiem bad baroh arngut ki iek'ew la uwei u dfeng. Kiew shuwa u wei bad ynda u la jan lait shalor, u paralok jong u u tan noh la u na ka kjat bad u kiew ialade. U ruh u shah tan kylla ha u paralok bad kumta shi kumta vm don baiok kiew. Shu bha bok ba ka dngiem ka laid la ka lynti hynrei la wai iew baroh arngut. Te u khasi u long kumta keiñ."

"Ban shu ong eh kumta ruh ngam da iahap jingmut eh phi Babu. Don bun hi ki para Khasi kiba don ka jingpyrkhat ban iarap la ki para ri bad kiba da leh da ki kam ruh. Nga la lohi la ki nongkhali. Khasi kiba ailad la uwei pat ban khali bad ha ki kam sorkar ruh kito kiba don ha ki bor ba hakh'ieh kiba iarap la la ki paradox para snam."

"Nga kren la kael-kaei kaba nga la lohi keiñ bah Jowel, hynrei lada ym don sa kum kita, katto-katne, te ka pyrtnei Khasi kam la bam um mo?"

"Ban lashong bad phi te Babu imat uba matlah katno katno ruh u peit : uba kyllut ruh u hap iohsngew. Phi don ki jingai jingmut kiba kordor kiba ki nonghikai ha ki sku' heh lehse kim don. Ieh ngin nang sakren shuh-shuh ha kawel ka por bad nga ruh ngan pyrsang ban iarap bad ngan da pyrkhat bha kumno ngin laleh ban pyllait ia ki briewjongngi na kine ki jingeh da kaba buh la kine hakhmat ka ing Dorbar".



"Khublei shibun bah Jowel. Wat sngew ei-ei, nga la kum kren kham palat namar kum u nonghikai nga don ka jingkitkhih ym tang. Ia ka skul hynrei ia ka shnong hi baroh kawbi."

---

## LYNNONG 12

Baroh shimiet u Jowel u la pyrkhāt ia ki jing-iakren jongu bad ki rangbah ka shnong Laitmaw-lich bad u nonghikai skul. Katba u nang pyrkhāt ia kine ki jingiakren, u nang lohi ia ki jingeh bad jingdonkam ki nongkyndong kiba im tang da ka rep bad ri jingri. U lohi lut ia ka jingduk-jingkyrduh jong ki bad u pyrkhāt ba ka long kaba eh ban leh ia kano kano mar-mar hynrei ka jingiarap kan long suki jal. U pyrkhāt lada u nongrep um lah ban loh jingiarap man ka por, un nym lah ban pynrol pynbeh ia ka rep ka riang bad ka ri jingri. Nangta, lada um lah ban buh nongtrei ban iarap ia u, un nym lah ban pyllait ia ki khun bad la ka tnga jong u na kaba ia ai kti lem. Bad lada ki khun beh bad ka tnga jong u ki hap iarap ia u ha ki kam jong u, ki khun rit jong u kin nym loh lad ban leit skul. Lada ailad ia kito kiba la sdang ban rep kham bun da kaba ai jingiarap pisa, suki suki yn lah ban iarap sa ia kiwei ba kin loh rep kham bun. Wat ia kito kiba bylla sogi ha ki lyngkha jong kito kiba kham don ne kiba buh jingri, donkam ban pynloh jaka ia ki la ka jong ba kin rep bad ba kin kham im bad ban ai jingiarap da ki masi ne kino-ktuo ki jingri khuang ba kin sngew

ba wat la ki trel ne bylla bad kiwei ruh hynrei ki don de la ki jong. Lada ki nang, suki suki kin sa lah ban pynroi la ki la jong bad iehnoh ia ka kam shakri ban long kynrad noh.

Hadien ba u la lah bam ja step u Jowel u la mih biang ban leit sha kawei pat ka shnong kaba kham heh bad kaba ki briew ki la kham shai. U la poi ha ka shnong Mawsier ha ka por ba dang ieng bha ka sogi. U la leit beit sha Ing u Bah Synlar u rangbah shnong.

U Bah Synlar u iashongkai bad katto katne ki rangbah na shnong ban ia kren ia ki kam shnong kam thaw. U lohi kynsan la u Bah Jowel ba u wan sha ing jongu bad u ieng ban leit shaw ia u na phyllaw bad hadien ba ki la ia khublei, ki iarung baroh arngut ha ka kamra ba iashong kai ki pararangbah. Baroh ki rangbah kiba iadon ha kata ka kamra ki iateng ban iakhublei ia u bah Jowel bad hadien, baroh ki iashong-biang.

‘Te Bah Jowel’, kylli u Bah Synlar, “phi wan shane kum u nongmihkhmat kane ka Konstituensi sha ka Durbar sain Hima ne kum u para shnong?”

~“Nga wan kum u Jowel keiñ”, jubab u Jowel bad u rkhe artad.

Baroh ki rangbah ki iarkhe shait ia kata ka jubab kaba stad bad dei por sbak jong Bah Jowel. Hadien ba ki la iapynithuh ia lade bad la iabam kwai dih duma, u bah Jowel u sdang ban kren.

“Bab Synlar bad baroh ki rangbah ba la don lang hangne baroh. La nga wan hangne kum u Jowel hynrei nga wan ruh kum u nongmih khmat jongphi u ba la shimti la kane ka jingkitkhlieh kumjuh kumba phi baroh phi don ka jingkitkhlieh ia ka shnong. Kum u nongmihkhmat jong ka konstituensi baroh kawei, lehse ka lyngkha jong nga ka kham heb hynrei, pynban, ka lyngkor ka khia ka jongphi ha la ki jong ki jong ki shnong; phi kiba pyrkhat man ka sni ia ka jingiaid ryntih, ka bhalang bad ka suk ka sni ka imlang sahlang jong ka shnong. Nga wan hangne bad ngan leit sha kiwei de ki shnong ban iampir jingmut kumno ban iarap ia ki parashnong ha kine ki tinañ, ban iapyrkhat lang kumno ban pynioh lem ha ki, la ki lad ki jingmyntoi kata ka synshar dalade ialade, kham tam haba ngi la loh la ka jong ka Elaka ne ka State. Ban pynioh ia kine ki jingmyntoi kan shimpur hynrei lada ngi iatreilang, rgi lah ban kham pynlyngkot ia ka jingjrong jong ka por. Te nga kwah ban ioh sngew naphi ki rangbah ia ki jingeb bad ki jingthmu kiba phi la ia pyrkhat lang, kumno ban pynlong kam la ki bad kiwei kiba ka shnong ka shem ki kham kyrkieh”, la lamkhmat u Jowel.

“Ki jingdonkam jong kane ka shnong hi ki long kiba bun”, la kren sa u rangbah shnong, “Donbok ba phi iadon lang maphi lehse phi lah ban iarap langi hashnong, kum u nongmihkhmat jongngi. Ngin buh ha khmat jongphi mynta tang ia kine ki jingdonkam kiba kyrkieh bad kiba ki samla ka shnong kim aithiah ai dem shuh ia ngi”.

“Kaei kata kaba haduh katta-katta eh?”

“Kaba nyngkong eh ka long ban pynioh noh khamkloi ia ka madan ialeh ball ia ki bad kaba ar pat, ban shna ia ka ing seng ha kaba kin ioh ban lalehkai, ia rwai-iasaw bad iaput iatem, ynda ki la wan na la ki lyngkha, mynmiet”.

“Phi ong ba kine ki long ki jingdonkam kiba kyrkieh eh?”

“Hooid kieñ bah Jowel”, la ban ktien sa uwei na kita ki rangbah ba iadon hangta. “Phi i kitai ki shnong kiba don sha shiliang ka thie ka Phud um Sohphi, ki don la ka madan phut ball bad kiwei kiwei ki shnong rit ruh ki ioh ban leit ialehkai ha katei ka madan hynrei kitei ki shnong kim shah ia ki samla jongngi ban leit ia kynjat ball hangto bad ki ong ia ki samla jongngi, ki nong shiliang ki bym iadei ei-ei bad ki. Tang ha kane ka shnong ruh ngi la don ki samla lud bad samla rangbah palat sanphew ngut bad bun na ki, ki banang bha ban ia kynjat ball khlem da kheiñ ia ki samla na ki shnong rit ba iajan bad ngi”

Te phi don ka jaka madan ka ban biang ban shna ia ka Madan ialeh ball bad phi la ju leit pan jingiarap na ka sorkar?”

“Ka jaka ka don,” la ong sa uwei pat, “bad ka bym shitom ei-ei ban pynmadan. Ka dei ka khyndew shnong. Ngi la ialeit bunslen ha kine ki shisnem arsnem sha u nongmihkhamat jongngi shwa jongphi hynrei namar ba u tip

Ba ngi la ngiah la u bad ngim shym ia kyrshan  
 la u ha ka elokahon, um leh ei-ei wat la u la  
 kular ban pynloh plsa ban pyntrei ia ka."

"Lehse u la pyrshang hi keiñ ban pynloh  
 jinglarap laphi hynrei um pat lah ban loh," la  
 ong u bah Jowel.

"Un pyrshang alu phi, ha jaka ban pynloh  
 jinglarap langi ban shna ia ka madan phut ball,  
 u pynloh pynhan sa ka ing club ia kitai kijuh hi  
 ki shnong. Kunta ki samla jonggi ki la sit hi  
 fah bad ki la lapyrkhat ban wan iakyndah  
 laphi," la ong sa uwei pat u rangbah.

"Te phi i bah Jowel," la kem ktien sa u  
 Rangbah Shnong, "Ki khynnah samla ki la pyr-  
 khat ba ngi ki rangbah ngim iarap iaki bad ki  
 sdang ban leh klumar da kaba ki iadih buaid bad  
 leit lapyinklumar shatai sha shil ang pud too la  
 mih sa ka jingiakynat mangi bad kitai ki shnong  
 sbatal sha shiliang um."

"Nga tharai kan bha lada phi phah ia ki  
 samla jongphi shanga bad ngin sa fathaw lad ban  
 iashna la ka madan bad pynloh jinglarap na ka  
 sorkar bad ngin sa mang ia pyrshang ruh ban  
 loh ka ing club bad ki tiar kiba dunkam hadien.  
 Nga ruh nga sngewthuh ia kine kiei-kiei  
 namar nga dei u samla. Kan bha lada phi  
 khot ia ki bad sneng kraw ia ki ban nym leh  
 klumar ei ei shabar shnong ban lait na ka bud-  
 nam ka shnong jongphi kaba latip lut baroh  
 ba ka long ka shnong kaba beit kaba ryutih. Ai  
 kan neh kane ka burom." la ong u Bah Jowel.

**"Te kumno pat ka lasiat thong kaba ju don barobor ha kine ki shnong shane?"**

**"Ban duh te kam duh", la ong uwei na ki rangbah, "tang kumba ong maphi lakham kynjah namar tang la lasiat khnam la mih ki jingiabun ktien ba la bun eh ki nongdih klad dihum. Ki kynthei khynnah ruh kim nud ban leit tapeit kai sngewbha ioh klumar. Tol, la kane ruh lada don da ka kynja Komiti kaba don ryngkat ki brew sorkar kum ki nonghikai skul ki bin pyniaid, ryngkat ki rangbah shnong, lehse kane ka jingialehkai kan khie im biang. Hangne ha shnong lei-lei, haduh mynta ki don ki stad siat khnam kiba bun," la ong u rangbah shnong.**

**"Te nalar kitei, phi dang don shuh kiwei ki jingdonkam ba ngin iakren?" la kylli u Bah Jowel.**

**"Ka jingdonkam kaba ngi ki nongkyndong, ym tang hanene ha shnong hynrei sha kiwei pat ki shnong te ka long ka jingpynbha ia ki lynti shnong bad ka jingpynpoi surok kali haduh ki shnong ba khamrit bad ban pynioh ka um dih kaba khuid namar ha ki por slap ki jaka langum ki dap da ka umsaw bad ki wah rit ruh ki ngut bad kunjuh ruh ia ka jingpynioh ding elektrik", ong uwei na ki rangbah.**

**Uwei na ki rangbah u kem ktien bad u ong, "Tip imat i Bah Jowel i la klet mo ia kato ba ngi iakren shisien shaphang ka ing skul? Ngil la iathuh ia i ba u nongmihkhamat uba mynshu-**

wa u la kular ban pynloh tin heh ban bujii ia ki tin kiba la pei bad ban bujii ia ki lyntang ka ingkul kiba la sdang pyut. U kren shongshit haba pdiang burom ia u hynrei jlang u jah bad um ju wan mih shuh. Nga tharai kan bha lada i Bah Jowel i lah ban ialeit peit lang bad ngi ia ka ingkul namar la isynei ia ki khyneh ba la jaw um eh bad ba ioh mynsaw ki khyneh skul namar ki lyntang ruh ki lah ban khein."

"Ka ing shetja u Headmaster ruh la i kumba kan hap" la ong sa uwei pat. "U Sub Inspector ki School ruh u la iohi haba u wan peit skul hynrei kaba lyngngoh ba la jan shisnem ym shym leh ei-ei. Kumno ngin pyrkhat ba u nonghikai un hikai ia ki khyneh jongngi lada u hap korbar ne khuslai la ka shong ka sah la jong? Uba da bha toi ba um ju khium hynrei u shu iathuh ha ngi."

"Sa tang kawei" la kren sa u Rangbah shnong. "ha kane ba wan u Kyllang, u la rah ia ka tnum tng u Bah Roni bad ia ka sem smang ruh. U bapli u Bah Roni u la leit mar mar sha Shillong ban ioh permit tin ba un sop thymmai noh ia ka ing hynrei um ioh. U la shu syrdep malu mala da ki tin jot tang ban leit na u slap bad na ka ji gkhriat. Tip i bah tharai i lah ban pynlarap lem ia u. Ngan sa ong ia u ban wan shaphi."

## LYNNONG 11

Ha ka kawel janmlet, u Jowel u parbat nan  
 leit peit ia ki kña kha sha Nongsobriew bad ban  
 sah miet artat shato. U Kynmaw ba haka por ba  
 u dangrit u shait leit sah bad ki. U kynmaw ba  
 u ju leit peit kal la ka jinglatur masi bad jingla-  
 siat khnam iathong bad ia ki jinglapbawar lasiat  
 kiba sngewtynnad. Katto katba na ki jinglapba-  
 war ki dang neh sah ha ka jingkynmaw jong u. U  
 kynmaw ruh kumno ba u kpa jong u u ju ialam  
 leitshwai dohkha ia u bad kalpo u kmas habs  
 u kpa jong u u tan la ki kha shiphut ki kha dap  
 pruh. Katba u kpa jong u u nang khwal dah, u  
 pat la ka siat sim shajan shajan.

U Jowel u long uba nang bha bad burom  
 kmiekha kpakha. U sagewthuh nangho u loh la  
 ka longrynieng. Um ju pep ban leit mih sha  
 shong jong ki wat la la kham jongi na ka  
 shong ba u shong. U kpa jong u Jowel u la  
 rap la slem hynrei ka jinglett jong u la u kpa  
 ka pynlong ia u ban leit jingoh la kha ha 'ing  
 ha sem jong u kpa man 'ka por. Sa kawel  
 pat, ka kmie jong u ka ju hikar la u man ka  
 por ban burom la ki nongkha.

Katba u Jowel u dang kareh ban leit sha  
 Nongsobriew bad thep katto katba ki leit la  
 ka pia ba un sah miet artat, u kha khynghu  
 suki suki u par bad dum ngam la pynnat.  
 Sa shiphang, kalyer kaba jur ha bah bad ka  
 pynpra ia u lyoh uba phat kum u nangoh bad  
 suki suki u shu pra bad lah syndon. Sa tnung  
 ka kyrhuh da ka jingted u pythad, uba jur bad



ka waitlam u kul ka kaweh khlem sangoh. Sa katto-katno, u hap uba jaw kumba thoh na ki ktang bad katno katno um rang shuh. U lowel um banse ban pulom noh kata ka jingleit jagon nongkha, saba artat um thikna loh ki phud um kin engald kynsan bad un shem shitom ban klan ia ki.

Ynda u la dep bamja mlet, u la pyrkhut bau leit shongkai noh ha 'ing u Bah No uba dang shu wan shuti na Shillong, artat ka dang shai eh. Phi tip hi ba ki nongkyndong ki bam jamiet, kiba bun na ki, tang shu dum.

U Bah No u trei kam sorkar bad u la pol haduh ka kyrdan u Bara Babu. U la engewtyanad eh ba u Bah Jowel u la wan rung na la jongu, khamtam ba kim ju ia kynduh shuh la kham slem. Hadien ba ki la la kynduh kti. ki la iadih duma bad sdang ban la bun nia.

'Nga nang pyrkhut ba phim don ha 'ing, phi uba, tang ka leit jingleit', la ong u Bah No.

'Phi I Bah No, kum u nongmikhmat jong u paitbah kine ki thain te, lada ym lah ban leit peit ia ki shong bad ia kynduh ia ki nongshong shong, kumno yn tip kiei ki jingdon kam bad kiei ki jingeh jong ki bad kum lah ban iarap bad ban pyllait ia ki na kine ki jingeh? Phi tip Bah No, nga la shuh ia kane ka kam shakri paitbah dang kynduh por mynta hyndei nga la engewthub ia ka jingkitkhen. Lada ym trei shuh bad trei hoh.

Ka long ka jingshukor kaba khraw ia u paitbah  
bad ka jingud ka jingtum u paitbah kan lynsher  
la ngi ba kawel ka sagl," ong U Jowel.

'Ka del kaba phi ong bad nga da sangew  
lahap jingmut eh hynrei shano. lane katno ngut  
na ki nongmihkhmat kiba sangew kumta? Ne  
tang la dap la shlei talade, la biang. Katno  
ngot kita ki nongmihkhmat kiba leit peit la ki  
shnong ha ki Konstituensi jong ki man ka per,  
yn nai da ong eh, ki la pynmyntoi aiu ia ki  
paitbah? Katta snem ngi la ia loh la ki jong ki  
nongmihkhmat bad katta snem ngi la lasynshar  
hi ia la ka ri hynrei haba peit pat klei kiel ki  
sah hajuh ne ki la hiar pynban. Lait na ka sor  
Shillong, don kiwei kiwei ki shnong kiba phi  
lah ban ong ki sor? Ki nongkyndong ki sah hi  
ki nongkyndong ha ka jingduna ha baroh ki  
fiang, leit noh ka jingdon ki ophis sorkar bad ki  
'rag sorkar ha ki katto katne na ki," la pyn-  
phaiktien U Bah No da ka jingbitar hapoh  
jong u.

'Te, Bah No, phin dang shong shuti slem?"  
la kylli U Bah Jowel.

'Mynta ka kynti te nga la shim shuti kham  
slem phi namar ngam ju shim shuti mynta' la  
shiphew snem ei-ei Kawel pat ngi lamut ban  
shynkha kamra shuh shuh ba la iakhap-  
hah eh. Lada ym donkam te ym shimti lei  
bah bah Jowel?', la jubab u Bah No.

'Phi loh nongtrei kiba nang, Bah No?'

"Heoid, Bah Jowel, nga la lakren la u hon-  
trak ha Shillong uba nga shaniab bad, u  
kular ban phah nongtrei bad pynpol ia ki dieng  
u mawit bad ka shun hynrei haduh mynta ri  
la shltalew, ym don ba wan bad ki tiar fun  
kim poi'.

'Ew! ban wad nongtrei mynta te la shiron  
phi. Ki paralok jongnga ha Shillong kiba tre  
ki kam la jong kiba kham beh bad ki dukan he  
ki ia ud bym ioh nongtrei -kynthei bad shyn-  
rang. Ym ioh misteri dieng, ym ioh misteri maw  
ym ioh nongpuh ne nongker kper. Wat ban ioh  
nongtrei ing ne nongsumar khyllung rub la iaeh,  
te phi? ong u Bah Jowel.

'Nga ruh nga la ilyngngoh phi Bah Jowel  
is kane ka pyrthei Khasi jongngl. Ynda pe  
te imat ym don jingkyrduh kam shuh phi  
—ym don enemployment Problem shuh kumba  
don ha kiwei kiwei ki jaka. Nangta sa ka  
jingleh pahuh pahai ki briew kaba la ishyrkhei  
-ka leit peit concert, leit peit cinema, leit  
restaurant kaba imat man ka sngl."

'Ka unemployment kaba ngi iohi bad kaba  
ngi iakren te ka long tang ia ki kam sorkar  
kein Bah No. Lada lait kam peon tang kawol  
ruh, uba lawan wad jingia ap ban pynrung kam  
da ki phew ngut. Ka jingkyrduh kam te ka  
don hi phi, Bah No, tangba ka jur ka jingjaituh  
ki briew jongngi kiba kwah tang ia i kam su  
ba kin ioh leit ia ki kam sngewbha kum ki phi.

**‘Bali ne leit khwal doh. Ka rukom trei kam ba ki ophis sorkar ruh ka la shu long tangdep bad dei na kata ka daw ba ka ri jongngi kam roi bad ka sah hajuh.’**

**‘Kata keiñ Bah Jowel, ngi pat kiba trei shi-tom trei hok la ka kam ngim don por la ki kam ingewbha bad ngim nang ruh ban shna pisa. Uto u bym don jingkit khlieh ne uba trei tangdep u loh por ban pyrkhat ban thaw pisa da ki buit sianti snlew jongu.’**

**‘Kata kaba phi ong te Bah No. kaba dei eh. Wat ha ka kam sañ pyrthei ka long kumjuh. Lada kam long kumta balei ba ka don ka jing jakneh la ki jaid kam bad phi iohi hi ha kine ki ngi katno ba la pynjah burom ia ka kyrteng bad ka nam babha ka ri jongngi ?’**

**‘Phi iñ Bah Jowel, ban trei kam ophis teng teng la angewngiah namar ki khynnab samla kim don shuh ka jingbang bad ka jingkitkhia ia ka kam bad ki ud sa ka bym nang suda. Te phi i, uta uba nang pat haduh katno u lah ban trei? Kim kwah ban da pynshitom khyndiat ialade bad ki salia ban da pule ia ki rule bad ki procedure. Suki suki kito kiba nang bad kitkhia ia ka kam ruh ki ngiah nob haba la shu bynshet ha ki ia ki kam baroh hynrei la loh tulop pat kumjuh. Del na kata ka daw ba ka don ka jinghiar ha ki jingtrei kam ki ophis sorkar.’**

**'Kaba dei kaba phl ong maphi hynrei kaba nga nga iohi pat, kaba kham snlew, ka long ka jinghiar kyrdan ka jinglong Khasi, khamtam ba ki ophis kiba don ki khyllah jaid kiba iatrei lang.'**

**'Ia kata lei-lei te bah Jowel, ban lakren ruh shu long kumba iathad la la ka doh ka snam, ym dei? Tang kawei kaba ngam lah ban pyr-khat ka long ka jingbym nang ne bym mon ban burom u khasi la la u para khasi. Pelt seh, tang shu long khileh dub u khasi ha kano-kano ka ophis sorkar, ki mih ki jinghren pyrshah kiba har rukom ia u da ki para khasi ba u bym bit, u bym lah bad uba sarong suda. Lada u rung ha kamra ki nongtrei ne ki ophisar kiba kham hapoh ia u, ym ju don ba ieng ne pyni dak burom ei ei ia u. Haba long heh pat u khyllah jaid, rung um pat rung ha kamra ki la ieng bad pyni burom ia u la palat. Nangta sa ki kynthai jongngi pat ki lasong kwai shiphew sien, kin al kup shatri lang ia u bad khot bam ia u sha ing. Phim iohi ia kata, Bah Jowel?'**

**'Phi i Bah No, phim ju pyrkhath pat ba u Khasi uba long heh um ju treh ban iarap la la ki para Khasi kiba trei hapoh jong u bad bur-sien u tieng loh ki ia kiew kyrdan lem kum ma u. Te ka lah ban long ba dei na kum kie kiei-kiei ba u Khasi um treh ban burom ia la u para Khasi. Tangba ka long ka jingshisha ba u Khasi hi u long u jaid bynriew uba naduh ba pun ia u, u dap da ka jingbishni kaba long u**

**THLEN uba bam tang la u Para Khasi. Imat ka khana shaphang u THLEN ka dei hi la baroh u Khasi.'**

**"Bah Jowel, phin shem ba ha ki ophis sorkar, kito ki Khasi kiba la don ba ki kyrdan kiba beh kin ialeh ban ia batai ia ki rule ban pynduh jingmyntoi la la u para nongtrei.'**

**'Para ba la iatrei kam sorkar te la ia iohl ia kine kie kie baroh. Toi kumba ong uwei u 'riewkhraw, hadien jong kawei pa kawei ka file, u don u briew. Kumta ngi dei ban pyrkhat ia u nongtrei bad ia ka bit ka biang jong u nyngkong eh. Kawei pat, lada kito kiba halor kim a jingiarap ia uba kham hapoh ba ki kamba utrei, kunno un lan ban shmti ia ka kam kaba kham halor hadien ba utei u Khasi uba halor um trei shuh?'**

**'Ka la dei phi ka por, Bah Jowel, ba ngi kuan ki Khasi ugan ia pyrkhat jubor ia kane bad ban ia bam lut khoit ia u thlen ka jingbishni khlem da buh shuh shi dkhoh ruh ha tyn-er ioh u im biang. Lehse donkam ban iakren ia kane ha ki jinglala-g ba khot kyrpang ne ha ki seng kyntlew ia ka bha lang ha ka imlang ka sahlang, Lada ym leh noh te la wai ka pyrthei u Hynniewtrep, ong u Bah No.**

**"Kawei pat, Bah No, kaba pynlyngngoh ia nga ka long ka jingbymmon ban trei hok ki nongtrei ia ki kam ki jam ha ki ophis sorkar. Ha ka por ba dang synshar u nongwei ki trei smat trei ating bad ki klof ban leit trei sha kano kano ka**

Jaka ba phah la ki, hynrei mynta ynda la loh la ka jingsynshar la jong, tang shu phah trel ingal khyndiat na Shillong ki la leit pynwit la ki nong-mihkhmat ban pynlakren ne pyllait la ki ban leit trel shabar na Shillong. Hato lada ki kim leit, ym la hap ban leit da kiwei pat bad kita ruh kin leh kumjuh? Ki nongtrei ophis ki kwah tang ban loh shutl ban mih noh na ki kam ki jingtrel jongki haduh ba kito kiba halor, kiba don ka jingkitkhlieh, ki la shitom khait bym don brieve ha ophis bad kim loh la ki kot ki sla kiba ki donkam. Ka jingbun ki ophis sorkar amat kan pynran dlen ia ka jylla lynda plie noh da ki kynja karkhana kum sha kiwei kiwei ki ri bad lah ban thew ia ka jingtrel uwei pa uwei u nongtrei da ki jingpynmih jongki kiba man ka sngi."

"Bah Jowel. nga lahap jingmut bad phi, lada pynduna nongtrei noh ha ki ophis kan kham bha. Ia kito kiwei pat ki nongtrei yn pyndonkam noh la ki ba ki kynja karkhana ne ki ingtrei da ka kti kum ki karkhana shna umsoh, ki karkhana shna ashar, ki karkhana shna ki phan sdieh, kait sdlen, phandleng sdleh ne ki karkhana shna mit-nit ne shoklet, shna biskit, shna ki tiar ialehka! bad kiwei."

U Bah Jowel u pyrkhat ba ki karkhana shna baje kiba la don ka jingpyrkhat da ka sorkar ban plie ba Shillong bad kiwei-kiwei ki karkhana elektronik kin pynroi bad pynrung kam ia kiba bun ki khynnah samla jongngi, kiba don ka jableng bad ki kti ki batbit.

"Shaphang ka jingpynrol ia ki samla pat ha ki kam ialehkai, Bah Jowel", ong u Bah No "la dei ban da buh da ka por ban pynlong ki jingiakop bad ym ban shu pynialehkai baroh shi snem kat haduh ban da pynduh ia ka khrehkot khrehsla ki khynnah skul. Nga iohi ba la bun sa tang ki kam ialehkai suda te phi, Bah Jowel. Nga i lyngngoh ban iohi pat ba ha ka jaka ban pynbha ia ki madan ialehkai kiba la don lypa, la sdang ban pynduh noh syndon ia ki haduh ba ki khynnah samla kim don jaka ialehkai shub."

U Bah Jowel u kynmaw ia ka madan Students' Field kaba u ju ialehkai ha ka por ba u dang shong ha Hostel, ha ka por ba u wan shong skul sha Shillong, la sdang ban pynduh ia ka ha ka jaka ba ki bor bapeit ia ka, kin pynbha ne pynkylla Stadium ia ka. Kumjuh ia kiwei pat ki madan ialehkai ha Sor bad nongkyndong. U iohi ba ka jingdon ka Stadium beh kan aym plie lad ia kiba bun ki khynnah samla ha ki jingialeh ban pyntbit lalade man ka por.

"Te, Bah No, I kong im don ne ha ing? Shano ki khun baroh?"

"I kong te kumto keiñ, i lap miet tang ka pule nobel bad ki khun pat ki islelt peit telebshon ha ing i Deng."

I lok u Bah No iba iohsngew ia ka jingkylli u Bah Jowel shaphang jong i bad ki khun, i mih na kamra thiah bad i wan rah shangkwal. Kane ka long ka akor u Khasi kaba la buh uba rim bajah ba ka kynthai kam ju ia tuklar haba iasaid.



nia ki rangbah bad wat lada ka don ruh, hadlen ba la dep ia kylli ia ka ing ka sem, ka kolt ka khlab, kam ju iashong lathuhkhana bad ki rangbah.

“Kumno kong?” la kylli u Bah Jowel, ‘nga nangmut phim don ha ing.’

‘Nga don ha ing keiñ, tangba phi dang iasald nia para rangbah te ngam shym mih. Toi nga la mut hi ban sa wan ia song kwai bad kren iaphi. Te, phi shait bha, bah Jowel ? Phi la sah katta sngi ruh phlm ju rung kai.’

‘Nga la bun eh ki jingleit te phi kong. Nga nang mut ba leit peit lut ia ki shuonng ka konstitueansi jong nga bad hadien kata yn sa ia shong kai iathuhkhana man ka janmiet kumne ba iajan.’

‘Nga nang mut ba phi la long heh mynta te phim wan shuh keiñ ha ing jongogi ki rit ki ria. Ngi ruh ban iatur eh sngew lehrafñ phi.”

‘Phi i kong, kane ka jingpyrkhat te imat ka la rung ha uwei pa uwei ba tang shu ym lah ban iabeh ne iawan faleit te hana ba la long heh. Ym ju kham don kiba pyrkhat ia ka jingbun kam pat.’

‘Tip seh, Bah Jowel, kiba kham bun te ki kham kiar te phi na ngi ki rit ki ria ki tang shu longheh. I kumba ki tieng ioh iapan shah pan kylliang ei ei na ki.’

'Ew, imat ban da ai lad ia ka kmie te Bah Jowel, kan wad daw laphi haduh phin da shit sa ka kblich ka reng,' kem ktien u Bah No.

'Ani ka iaid ka por khlem sngewthub mo, Bah No? Ieh ngin sa ia bun nia shuh shuh ha kawei ka sngi mo. Ngan sa da wan biang namar ngan dang sah hi ha shnong'

"Wa! I Bah Jowel, imat shisha phi, tang ban dih shi pela ka sha ruh ym long shuh, mo?"

'Ine i kong te,' u Bah Jowel u jubab biria bad ka rkhe artad, "Ban nym ong ban leit noh te, imat phi mut hi ban nym ai sha, ym del?"

'La lah ma phi bah Jowel, peit nga ruh nga shu thum sah ia une u shangkwa, ba bang eh ki khana jongphi."

### *LYNNONG 14*

Ynda u Jowel u la poi ha ing bad ynda u la sum la sleh bad la bam ladih, u la iohi ha miej thoh jingthoh jong u artylli ki shithi. Kawei u la ithuh ka dei na i kmie jongu bad kawei pat um ihuh, tangba imat kaba donkum bha.

Ka jingieit jongu ia la i kmie ka pyrlong ia u ban shim bad pule ia ka shithi na i kmie shuwa. U la kwah ban tip kumno i long bad ban iohsngew ki khubor phylla. U plied ia ka shithi bad pule.

**"Khun baieit,**

**Nga la ioh ia ka shithi  
ba phi thoh khadduh eh bad nga lapule bunsien ia  
ka. Nga sngewtynnad ban tip ba phi shait phi  
khlain bha bad ba phi la pyrshang ban trei ia  
ka kam kaba phi hi phi angnud ban trei bad ban  
pyndep ia ka jingkular jongphi ia kito kiba la  
buh ia ka lyngkor kaba eh bad kaba khia ha ki  
tyrpeng jongphi. Nga ialade ruh nga khlaiñ nga  
shait bad nga pyndep hok ia ki kamram jongnga  
kiba nga la shimti, man ka sngi.**

**Kawei nga sngewsynei ba phi sah marwei  
tang bad u nongtrei hynrei ka jingbun ki kam  
jongphi ba phi dei ban pyndep kan sa pynklet  
iaphi wat ia ka ing ba phi sah.**

**Nga tharai phi la iakynduh ia ki briew bad  
iohsngew ia ki jingud bad jingdonkam jongki,  
khamlam ki nongkyndong kiba dang don hapdeng  
ka jingduk, jingsahdien bad ki jingpang kiba bun  
rukum. Wat ju shim ba ki nongkyndong ki long  
kibi bieit namar ka jingbymnang pule kot ne ka  
jingbymiuh ia ki kyrdan shong skul kiba heh. Ka  
jingstad ha ka thoh ha pule ka long tang ka jing-  
iarap ba phin kham tip shaphang ka pyrthei bad  
ki briew kiba phi lah bin iakren iapyni ha ka  
ktien kaba ki nongkyndong shisha kim nang.**

**Kawei, phin tip ba kum ia kane ka jaid kam  
jongphi, ki nongkyndong baroh ki tip lut bad bun  
na ki ki khamtip ban iaphi. Haba phi kren bad  
kular ban iarap iaki, ki pyni ka jingmynjur da**

*ka khlieh bad phin da peit bha ka jing-mynjur kaba ym shym la mih na ka jingsngew shaniah ka baskhem. Kane ka long ba la hikai ia ki da ki ba bun ki 'riew saiñpyrthei kiba kular tang ka ktien hynrei ki bym don ka mynsiem ban pyndep ia kaba ki la kular da ki kam. Ki leit sha ki nongkyndong kumba leit maphi bad ki kular ki jingkular kiba bun kiba ki hi ki tip ba kim lah ban leh, khamtam ynda ki la shong hu ki shuki jem ha Sor bad ban ia kynduh ha ki ing heh man kapor. Shano kin dang kynmaw ia ki jingud jong kiwei?*

*Kawei pat nga hi dalade nga iohi ba lymda ki briew kiba kwah ban rung ha ka saiñ pyrthei kim da trei shwa ha ki konstituensi jongki, ym duna san snem, kin nym iohi ia ki jingeh jong ki nongshongshnong, khamtam sha nongkyndong. Phin kynmaw iakane, khun, ba wat maphi ruh phi la jah slem na la shnong bad ki la bun ki jingkylla ki rukom im rukom pyniaid shnong bad ki jingdonkam ki nongkyndong kiba nangbun na ka por sha ka por.*

*Sa kawei pat, khun, nga ju pyrkhath ba lada phim pat ioh ia ki jinghikai kiba iadei bad ka kam saiñpyrthei da la ka jong ka experience bad tip bha ia ki rukom pyniaid kam ne ki rule ka ingdorbar, ka long kaba ibieit ba phin kwah ban ioh noh u ka kam kum u Minister. Ban long Minister hi, haba nga peit, ka donkam la kumno kumno san snem ha ka jingpynbit ialade kaba phin da pule bha ia ki rule ki procedure jong ka ing Durbar. Mynta*

lei-lei nga iohsngew ba uba kwah long nongmih-khmat suda naduh u Babu ne u Sahep Sorkar, u nongkhikai skul, u Doctor, u nongkhavi bad kiwei kiwei. Ki sap ba la ai U Blei ba ki lah ban pyn-pyndonkam ban iarap bad pynroi ia la ka jaid bynriew hala ki jong ki lyngkha kin iehnoh bad peit khliaw ia ka shuki, toi kane ruh ka long ka kim kaba iarap ia u paitbah hynrei nga ngeit ki lah ban iarap ia u paitbah da ki sap ba la ai kyrpang u Blei ia ki. Imat don ei-ei ha lyndet ka jingmut jingpyrkhat jongki.

Kawei, khun, kaba nga kwah ban ong ka long ban nym mushlia eh ia ka kam kiwei ne ban kdew kti ia ki jingleh jongki, da kaba phi pyrkhat ba phi long uba bha uba khuid ialade. Hoooid, donkam ka jingpyni lem hynrei ym da ka jingsarong ne jingibein ia ki.

Khun baieit, nga don shibun kiei kiei kiba nga kwah ban pyni hynrei nga ngeit phin kham sheinphang naphi namar phi la pyrkhat ban shimti ia kane ka kam la slem. Tang kawei kaba nga kwah eh, kala ka long, ba phin long uba hok, uba trei hok ia ki kam paitbah kiba phi dei ban trei, uba pyrkhat ia kiwei palat ia kaba phin pyrkhat ialade Nga da hwah eh iaphi ba phin long u "Pehsylli ka sain pyrthei."

*I mei baieit jongphi.*

Ka shithi i kmie jongu ka la pynkyndut ia u Jowel ba um ju pyrkhat ia ki jingshishi ba ka kmie ka la pyni ha ka shithi. U nang pyrkhat ba ki nongkyndong ki dang kham bi it kham duna ban ia u. U la sngewleit sngew' ynmaw ia la ka kmie ba kum ka kynthai biew ka don ki jingpyrkhat ki ba khraw kat kine. U la sngew-donkam ba i kmie jongu in don hajan ban aihust ai lynti ia u.

U peit noh sa ia kawei pat ka shithi.

Ynda u la dep pule la ka shithi kaba ar u la shong pyrkhat shiphang. Ka shithi ka long na ki rangbah ka Seng Sain hima bad ki tyrwa ban ai ia ka kam shongshuki ha Sor ia u lada u win iasoh noh bad ka Seng jongki

U Jowel u pule biang ia kata ka shithi bad la ialam ia ki jingmut-jingpyrkhat jongu sha Sor Shillong U loh ia ka Office bah, ka Bangla, ka kali ryngkat ki nongtrei kiba bun ki ban iarap ia u ha ophis bad ha Bangla.

U la pyrkhat pat ia ka shithi ba u i h na ka kmie bad la ialam ia ki jingmut jongu sha ki nongkyndong : ki nongrep, ki skel, ki khyanah samla bad ki jingeh jongki. Lada um lah shuh ban leit man ka por ban iarap bad iatrei lang bad ki, kumno un lah ban kyntiew ia ka jingsah-dlen jongki. U la pyrkhat ba ka pisa kam long ei-ei wat lada theh katno-katno hynrei ka lah ban poi pynban sha ki pla jong kito ki bym don hok ban ioh ia ka bad ban pynriewspah tang ia ki katto katne bad ki nongkyndong ki sah hajuh kumba ki long mynta.

U la kymaw ia ki jingren u Bah Dwer na Umjakor uba pynsvrien ia ka kam saiñpyr-ther kum ka kam ialeh phutball ban kham pynlut por ia ka ioh majoriti ha ka Durbar Thawaiñ ne kumba ong u Bah Dwer "ban iathied kulai, ia ryngkang dieng per ne iabujli uniphom." Nangta, mih sa ka pynj h pisa ki ophis heb bad wit ha ki Skul ne University. U Jowel u kymaw ia ka biria dei por uwei u riawrangbah ha ka por ba kanbas elekshon uwei u nongialeh ba kawei na ki nongkyndong.

*Para loh baieit, nga pynpaw ia ka jingngew-burom kaba khrw iaphi baroh ba phi la kyrshan tyngch ianga ha ka elekshon kaba la dep bad dei na ka jingiakyrsan tyngch jongphi ianga baroh shishnong nga la jop. Ha kine ki sin snem ba la dep, nga la pynbiang shuwu iade had ngam pat shy roh lad ban pyrkhut bun pynbiang hol ia ki jingdonlam jingphi ki shnong baroh phi sngewthuh h ba lida phin iakyshon ia ula thymmai, u ruh u pynbiang shuwu iade had a kaba ha iang ha s w p g u ba oh san snem bad kan long ka jingluh iangmutor iaphi kaba khrw. Nga ngait phi sngewthuh ia kane had phin ia kyrshan ianga.*

Kine ki jin pyrikh t i i la n h ba u b d katba u pyrshang ban pynshong nongin ia ki jingpui jingmut baroh, la ioh thiah j i i ha ka shuki aram.

Ha ka jingiohthiah ba lyngngai jong u, u phohsniew ba u la don la ka briew bad shong ha ka ing kaba thymmai. Ka lok jongu ka long ka nonghikai skul. U iohi ia ka dur ba i leit bad ba ishida jong ka briew jongu. U iohi ha ka jingphohsniew ba ka leit sha skul bad rah bad ki kot ha ka pla snieh jongka. Ka phong ki juti jaiñ kiba iong bad ba lyngkot khongdong, ka jainsem ba lieh bad bakhuid bha bad ka tawah shol da i thohriaw stem. Ka hikai minot bha ia ki khynnah ha skul da ka jingie't bad jingphuh samrkhe. Ynda la wai skul ka rung sha ki ing jong kito kiba duk ne kiba pang ne ki khynnah skul ki bym lah ban poi sha skul bad ka ai piza bai jinglam ne jingiarap ia ki katba ka lah hynrei kam ju iathuh ei-ei ruh ia u. Ka leh ia la ki kam babha khlem iathuh iano-iano wat ia u ruh. Ynda ka poi ha ing, ka plie ia ka phalor bad ka khang pat ia ka. Ka peit la ka phyllaw ka mynshem bad ia ki rud ki kiar jongka. Ka kyndat ia ki sla bad kl diengrit kiba hap na u diengsoh-dlenglong bad dieng sohpairahki ba don harud ka phyllaw bad hadien ba ka la sma ia u tiaw kulap saw uoa phuh itynnad bha, ka rung ha ing.

Hadien ba ka la law ia ki juti, ka tapmoh bad ia ka jaiñ sem ar liang, ka shim ia ka jaiñkyrshah shiliang, ka sliew ia ka dong bad ka buh u ketli ha ding. Ka mih bran ban leit peit ia ki jhur sha kper bad sa shiphang ka wan rah jhur ban shet jyntah.



U Jowel, ha kata ka jingphohsniew u la i  
hun la ka jinglong tipbriew, tipduk-tipsuk bad  
jingsmat jingsting ba palat jong ka. Ynda ka  
la wan rah sha ia u sha ka kamra ba u shong, u  
kdup leit ia ka, bad u kyndit na ba iohthiah  
haba ka miaw ba u thum ka trud kynsan ia u.  
U Peit baje bad u iohi ba la palat shiteng synñia.  
U shim ia ka shithi i kmie bad buh ia ka hapoh  
syngkhlieh. Hadien kata u iohthiah suk jai baroh  
shimiet.







**KI KOT DA UJUH U NONGTHON**

Ki Dieng ki paralok jongngi  
( State Award )

**Ki Drama Lyngkot**

( Prescribed Text Book )

**Ka Jingkut Jingmut baskhem.**

**Phra Tylli ki Ese.**

( State Award )

**Ka Jingwadkput.**

**Ka Tawang bad ka Thma China-India**

( State Award )

**U Lambok bad U Ehbok.**